




TAUSAGA 14



FAKASOLOGA O MATAUPU

VAEGA 1: KO MEA TAUA E TASI EI A TE KAU-KELISIANO I TE LALOLAGI KATO

Ulutala 1: Ko te Tusi Tapu a te Atua	5
Ulutala 2: Ko te fakatuanaki ki te Atua	7
Ulutala 3: Ko te Fakaolataga a te Atua	8

VAEGA 2: KO VAEGA TAPUAKIGA

Ulutala 4: Ko Tapuakiga Kaufakatasi	10
Ulutala 5: Ko Tapuakiga i Kaiga	12
Ulutala 6: Ko Tapuakiga i tou vasia ki te Atua	13

VAEGA 3: KO 'KAIGA FIAFIA FAKA-TE-LOTU

Ulutala 7: Te Kilisimasi	14
Ulutala 8: Te Eseta(Toetu) Manumalo o Iesu mai te mate	16
Ulutala 9: Te Aso o tamaliki	17
Ulutala 10: Te Aso o te Tala 'Lei	18
Ulutala 11: Te Aso o matua	20
Ulutala 12: Te Aso o Talavou	21

VAEGA 4: KO 'KAIGA FIAFIA O TE FEAGAIGA MUA

Ulutala 13: Ko te Paseka	22
Ulutala 14: Ko te Aso Penetekoso	24
Ulutala 15: Ko te 'Kaiga Fiafia o te Tausaga Fou	25
Ulutala 16: Ko te 'Kaiga Fiafia o te Tapeneko	27
Ulutala 17: Te 'Kaiga Fiafia o te Pulima	28
Ulutala 18: Te Fitu o tausaga (Te Sapati o Tausaga)	30
Ulutala 19: Ko te 'Kaiga Fiafia o te faka'maga o agasala	31

VAEGA 5: KO MEATAU A TE ATUA:

Ulutala 20: Kafanoa	33
Ulutala 21: Ufifatafata	35
Ulutala 22: Taka	36
Ulutala 23: Talita	38
Ulutala 24: Matasana	40
Ulutala 25: Puloutau	42
Ulutala 26: Pelu	43

Mea fai a Tamaliki:

Fesili mo tali (e fakatoka ne faiakoga a fesili)

Fuaiupu Tauloto:

Failauga 11:9 "Tupulaga tuputupu, ke fakafiafia a otou olaga i a koutou koi tupu aka. Fai te mea e loto koutou ki ei, mo te mea e manako ki ei otou loto. Kae masaua i te Atua e fakamasino ne ia a koutou. Amene.

Pese: Give me oil in my lamp io me fili mai tusi pese

Talosaga:

Te motou Tamana, e tapu a tou igoa kae ke fai te mea e loto koe ki ei. Fakamanuia ne koe a talavou o Tuvalu kae akoako ne koe ke tausi te fakatuanaki tela ne fakavae ne koe Iesu, amene.

ULUTALA 41: TE ASO O TALAVOU

Pogai: Ke fakamaina ki tamaliki me i te Aso Fiafia o Talavou e fakamailoga i ei te taua o tupulaga ko te mea ke amanaiagina kae ke fakatauagina.

Tusi Faitau: Failauga 11:9-10:1

Fakatokaga mo Faiakoga:

Te Aso o Talavou e fakamailoga i ei te taua o tupulaga tuputupu o Tuvalu me ko latou konei ko takitaki o kaiga, fenua, malo mo lotu o te aso a taeao. Te aso e fakamasaua ki te lotu tela e masani fai i te vaia so muamua o Aokuso; ako talavou e faitusaga i tapuakiga fakapitoa i te lotu taeao mo te lotu afiafi. E fakasoko ki tau pese i te afiafi mo nisi fakafiafiaga i te Aso Gafua. E isi foki ne akoakoga fakapitoa kola e fakatoka mai ne te Mata-Galuega a Talavou i te Ulu Ofisa o Talavou o te Ekalesia Kelisiano Tuvalu mo fesoasoani ki olaga faka te agaga o talavou. E tokouke a talavou takutakua i te Tusi Tapu e pela mo te tamafine ko Luta mo tamatene ko Tavita i te Feagaiga Mua mo te soko patipole ko Petelu mo tamataene faikimua ko Timoteo i te Feagaiga Fou. A talavou fataua konei ne fai mo tino takutakua i te fakatutanaki ona ko olotou olaga ne fuli ne te talitonu o latou ki a Iesu.

Mea Akoga mo fakamaina te mataupu:

Flash cards

Video i polokalame a talavou i olotou aso fakamanatu

Fakatomuaga:

Fesili ki tamaliki me e fia a tausaga o tino kae lau a tino ki se talavou; kae fia foki a tausaga o tino e gata ei tena fai mo talavou?

Akoakoga:

Ko fakamalosigina ne te mataupu tenei ke atafai kae alofagina a talavou i te lagona kae fakataua a olotou leo mo manatu; fakatasi mo te atiake a olotou olaga i feitu katoa tau te olaga; kae fakasilisili loa ko olotou olaga faka te agaga. A te talavou ka aoga malosi a tona olaga mo tena kaiga, fenua, malo mo te lotu manafai e ola mafuta mo te Atua i taimi katoa.

VAEGA 6: FUAIUPU AULO (FUAIUPU FAKAMAU)

Ulutala 27: Ko fakatau a'lofa koutou 45

Ulutala 28: Ko fai foki ne koutou pena ki a latou 47

Ulutala 29: So se galuega e fai ne koutou, ke fai mo te lotu ka-toatoa 49

VAEGA 7: KO TE ULUMANUMALO, MATE MO TE TOETU MAI O IESU

Ulutala 30: Ko Ulumanumalo Iesu ki lotu I Ielusalema 51

Ulutala 31: Ko te fakasatauloga o Iesu 52

Ulutala 32: Ko te toetu manumalo Iesu Keliso mai te mate 54

VAEGA 8: KO TENA FANAU MAI

Ulutala 33: Ko te folafolaga kia Malia 55

Ulutala 34: Ko te folafolaga kia Iosefa 57

Ulutala 35: Ko te folafolaga ki Tausi Mamoe 59

Ulutala 36: Ko te fanau mai o Iesu 61

Ulutala 37: Ko mealofa a tino poto mai te Sopogala 62

VAEGA 9: KO ASO FAKAMANATU

Ulutala 38: Te Aso o te Tala'lei 65

Ulutala 39: Te Aso o Matua 66

Ulutala 40: Te Aso o Tamana 68

Ulutala 41: Te Aso o Talavou 70

TUSI AKOGA ASOTAPU MÔ TE TAUSAGA 14 **TUSI MÔ FAIAKOGA**

Ne fakatokagina a te Tusi Akoga tenei mai loto i te Ulu Ofisa o te Ekalesia Kelisiano Tuvalu i Funafuti mai lalo o te Matagaluega o Talai mo Akoakoga Faka-Kelisiano

A mataupu konei ne fakatoka katoa mai lalo o te akoakoga fakamāsani mô te kalikulamu fou tela ne faigina ne tena 'Malu, Faifeau Tokita ko Arun Gopal mai i Initia ki Saute.

Te fakamoemoega maluga ke aogã a te tusi tenei mô tatou faiakoga e fesoasoani mai ki te fakatokaga o 'tou mataupu mô te fagaiga o agaga o fanau gasolo o 'tou Ekalesia kae maise 'tou Atufenua. Te feitu tãua e 'se ko te tauloto fua mai loto i te tusi tenei, kae ko te fakaaogaga o te Tusitapu, faitau faka'lei ki ei kae ko fesoasoani atu ei a fakatokãga konei ko te mea ke faka-atili mãina ei a tena Muna.

Fai'tau a te Muna a te Atua. Fai talosaga mô tena Agaga Tapu kae fakalagolago ki tena poto mo tena malosia e mafai ei ne tatou o fakatino a 'tou tusaga tãua konei e tautua atu ei tatou ki te Atua. A te kalagagina o tatou faka-faiakoga e se se kalaga fãtauvã, kae se tiute fakatino o akoako atu a te Muna a te Atua ki ana meaalofa mô te Ekalesia, kola ko fanau gasolo o 'tou Ekalesia. Ke fakamanuia atu a te Atua ki aulua galuega kae maise ko oulua olaga tautua i loto i tena Galuega.

Ke masaua ne koulua faiakoga me tafasili atu a te mafa te taa fakamasinoga ilo niisi (Iakopo 3:1)

fakasalaga tela kote loto. Aia ne seki fakavave ki loto ite vaka ko ia ke sao. Ese taumate e isi se tamaliki se fakalogo, ese fia fano ki loto ite vaka, kae ne seki fakatamala a Noa i ona tiute. E tena te tiute o sose tamana, a ia kote fakasino ala ko ia foki e fakamalosi i sose auala kite mea loa e mafai ne ia kote mea ko sose tino i lalo i tena tausiga e aofia iei ana fanau ke ulu ki loto ite vaka io me ke sao mai te fakasalaga ke maua ne latou ate ola ese gata mai.

Mea Akoga mo fakamaina te mataupu:

Ata ote vaka o Noa

Ata o Iesu

Fakatomuaga:

Fesili ki tamaliki me sea te mealofa a ia ki tena tamana kite aso o tamana

Akoakoga:

Ko akoako mai nete muna ate Atua me ia taua tamana ko takitaki iloto i kaiga tela se tiute o koe kite fakamalosiiga ki sose tino iloto ite kaiga ke iloa ne ia Iesu tela e maua ai te ola (Ioane 14:6). Ite taimi o Noa kote loto te fakasalaga ka kote auala e sao iei te tino kote vaka, taimi nei kote afi te fakasalaga ka kote auala e sao iei ko Iesu Keliso manafai koe e talitonu kae talia ne koe aia.

Mea fai a Tamaliki:

Kilokilo fakalei kite ata otou tamana

Tusi ki lalo a mea lei mo mea gali ne fai ne ia mo koe

Fuaiupu Tauloto: 2 Petelu 2:5 "...Noa kote tokovalu o tino ne ulu ki loto ite vaka..." KJV English translation

Pese: Head, Shoulders, Knees and Toes

Talosaga:

Te Aliko, fesoasoani mai kia matou fanau kote mea kote mea kafai matou ko matua ko fai mo tamana ke fai matou mo tamana lei, tamana kola e 'taki ne matou sose tino kite ola ese gatamai.

Mea fai a Tamaliki:

Kilokilo fakalei ki te ata o tou matua

Tusi ki lalo a mea gali kae lei ne fai ne ia mo koe

Tusi foki a mea kola i tau fakatau e se lei ei a tona olaga

Fuaiupu Tauloto:

Fataoto 31:30 “A te gali e fakase tino, pela foki te matagali e mafai fua o matafi, ka ko te fafine tela e fakaava ki te Aliko e tau o tavae-gina.”

Pese: Fili mai te tusi pese

Talosaga:

Te motou Tamana faka te lagi, fakafetai mo omotou matua kola ne tuku mai ne koe. Te Tamana, ke tausi, ke atafai kae fakamanuia ne koe, ko te mea ke ola loa kae ol fiafia i aso koi toe o tona olaga, amene.

ULUTALA 40: TE ASO O TAMANA

Pogai: Ke akoako a tamaliki me e tasi o tiute ote tamana ko ia tela e t’aki ne ia taua fanau kite ola se gata mai.

Tusi Faitau: Kenese 6:1—7:24; 2 Petelu 2:5

Fakatokaga mo Faiakoga:

Te Aso o Tamana ne fakatu mo fakamailoga te taua o te tulaga o te Tamana. Te tamana ko ia kote takitaki. Ese gata fua aia se takitaki tela e t’au o t’aki ne ia ana fanau iluga i tena olaga ke lavea ne fanau, kae ko ia se faiakoga foki te la e fakaakoako ne ia ana fanau kite mea tela e manako kiai te Atua. E uke kii a tusaga ote tamana lei tela e tasi mai iei tela ka tauloto ne taua fanau ite taimi nei me ko ia tela e t’aki ne ia taua fanau kite ola ese gatamai. Ite tusi ko 2 Petelu 2:5 e lavea iei ne tatou te tiute ne fai nete tamana ko Noa. Ne tala mai me ia Noa kote tokovalu o tino ne ulu ki loto ite vaka io me kote toe tino loa o ulu ki loto ite vaka ko tena uiga ne fai te tiute o te tamana tenei kote mea sose tino ioto I tena kaiga ke sao mai te

Ke fakamanuia atu a te Atua ki aulua galuega kae maise ko oulua olaga tautua i loto i tena Galuega.

MANATU FAKAVAE: KO FAKAMANATŪGA FAKA-KELISIANO

VAEGA 1: KO MEA TĀUA E TASI EI A TE KAU-KELISIANO I TE LALOLAGI KATOA.

ULUTALA 1: KO TE TUSITAPU A TE ATUA

Pogai:

Ke akoako ke iloa faka’lei ne tamaliki a te tãua o te Tusiapu a te Atua tela e fusi tasi ei a te talitonuga faka-Kelisiano.

Tusi Faitau: 2 Timoteo 3:14-17, 2 Petelu 1:21.

Fakatokāga mō Faiakoga:

E tasi o mea tãua tela e fusi fakatasi ne ia a te talitonūga faka-Kelisiano i te lalolagi saukatoa, **ko te talitonūga i te Tusiapu ko te Muna a te Atua.** E faitalia loa me sea a te gana e tusi i ei, me pefea foki a te lasi mo te foliki o te Tusiapu ne lomi, kae e tasi eiloa a te talitonūga i loto i te mafutaga a te kau-Kelisiano me ko te muna tapu eiloa a te Atua. A te Tusiapu ko te muna a te Atua, ne tusigina ne tagata kola ne filifiligina eiloa ne te Atua kae ne takitakigina a latou ne te Agaga Tapu o te Atua ke tusi ki lalo a mea kola e manako a te Atua ke tusi ne latou (2 Petelu 1:21). Ne tusi mo te pogai ke fakaako mai ei a akoakoga, poloakiga mo fakatonutonuga mai i te Atua mo tatou ana fanau (2 Tim 3:16). E tenei eiloa a te auala e tasi koi faipati mai ei a te Atua ki a tatou ana fanau e auala i tena muna ko te Tusiapu, ko oti a taimi o fakaasiga, agelu avefekau, pelofeta, e pela eiloa mo tala mai i loto i te Tusiapu. I aso nei, ko te faitau ne tatou a te muna a te Atua tela ko te Tusiapu, mo te fakalogologo ki akoakoga o ana tavini mai loto i te Tusiapu e mafai ei o malamalama tatou i tena finagalo mo t’ou olaga. A Paulo ne tusi fakamalosi ki tena tama i te fakatuanaki ko Timoteo ke puke mau ki akoakoga kola ko oti ne akoako atu ki a ia auã me aoga ki te fakatonutonuga o tena olaga tautua ki te Atua.

Mea a’koga mo fakamaina ei a te mataupu:

Ata napa #1 – Ko te tusitusiga o te Muna a te Atua.

Fakatomuaga:

Kaia e faitau ei a tino ki te Tusiapu? Fakalogologo faka'lei ki tali a tamaliki me e maua ne latou a te fakatokāga o te mataupu me ikai. Fakakatoatoa faka'lei ke maina a tamaliki i te tāua o te mataupu tenei.

Akoakoga:

A te Kelisiano io me ko sose tino talitonu ki a Iesu e 'tau eiloa mo ia o fiafia o faitau ki te Tusiapu auā me e maua ne ia mai ei a akoakoga sili mai i te Atua. E tenei fua a te auala e tasi e faipati mai ei a te Atua ki a tatou i aso nei. E 'tofu eiloa a talitonuga kesekese mo olotou tusi e akoako ei latou, kae ko te talitonuga a tatou, ko te Tusiapu eiloa a te muna a te Atua kae seai aka foki se isi tusi. Tamaliki, a tatou e fai'pati ki te Atua i 'tou 'talo e fai atu ki a ia, kae e 'tau foki mo tatou o fakalogologo faka'lei mafai ko faipati mai a te Atua ki a tatou mai loto i tena Tusiapu. A te Tusiapu e fai mai ne ia ki a tatou a te finagalo o te Atua mō tatou, e fakatonu mai ne ia a 'tou mea 'se e fai, kae akoako mai foki ne ia a te olaga e 'tau o ola tatou i ei. Masaua me i te Tusiapu ko te muna eiloa a te Atua, tela la, e 'tau mo tatou o faka'malu ki ei, tasi faka'lei, faitau ki ei kae ke olagina foki ne tatou i 'tou olaga tautali atu ki a ia.

Mea fai a Tamaliki:

Kai a e 'tau ei mo tatou o faitau ki te Tusiapu? Auā me ko te muna a te Atua kae e faipati mai ei a te Atua ki a tatou. A tatou e faipati pefea ki te Atua? E auala i 'tou talosaga fai. **Ne** tusi ne ai a te Tusiapu? Te tagata o te Atua mai lalo o te takitakiga a te Agaga Tapu o te Atua.

Fuaiupu Tauloto:

2 Timoteo 3:16 “Me i Tusitusiga Tapu katoa ne aumai mai te Atua, kae aoga ki te akoakoga o te mea tonu, ki te polopoloki, ki te fakatonu o te mea 'se, mo te akoako atu ki olaga 'lei.”

Pese: Fili mai tusi pese

Talosaga:

Te motou Tamana i te lagi, fakafetai mo tau muna, te Tusiapu tenei ko maua ne matou i aso nei. Fesoasoani mai kae fakamalosi mai omotou olaga ke fiafia matou o faitau saale ki tau muna kae ke ola foki ne matou

Tusi Faitau: Fataoto 31:10-31

Fakatokaga mo Faiakoga:

Te Aso Fiafia o Matua e fakamailoga i ei te tulaga mo te tusaga o matua i loto i Tuvalu ona ko te taua o tusaga e panaki mo latou kamata mai i te fale, te kaiga mo fanau, te Ekalesia, te fenua i Fale-Kaupule mo fakapotopotoga a fafine mo tulaga kesekese i te malo mo te olaga faka Tuvalu. Ne talia ne te Fono Lasi i te 1986 ke fakamailoga te Aso Tapu o Matua i te toe Aso Tapu o Iulai. Ne filigina ne fafine a te aso tenei e fakamanatu foki ei te Mafutaga a Fafine o te Ekalesia Kelisi ano Tuvalu. A fiafiaga o te Aso o Matua e tala loa ki tapuakiga i te Aso Tapu tena i te lotu taeao mo te afiafi kola e fakatoka kae takitaki ne fafine. E tenei te taimi tela e uke a meaalofa e fakatoka ne tamaliki ma olotou matua, e fakatino i ei te fakafetai a latou mo te tausiga alofa a te matua ki a latou. A tagata i te aso tenei e kuka kae fakatoka a meakai mo fakagaligali te Aso o Matua. A fakafiafiaga e fakasoko ki taupese mo koniseti i te po mo fakaala, fatele mo siva i te Aso Gafua.

Ko fakataua malosi a te tusaga faka-matua i loto i te Fenua, Ekalesia, mo te Malo; kae fakasilisili ko tusaga faka-matua tela e panaki mo te tasi, akoako, mo te putiputiake o tamaliki. Te tusga faka-matua tena i loto i Tuvalu e se mafai o fakanafagina io me faka-tapulagina. E se gata fua i kona a tusaga o matua, kae i loto i te olaga saukatoa e lasi te tusaga fesoasoani e fai ne latou.

Mea Akoga mo fakamaina te mataupu:

Ata o matua takutakua i Tuvalu

Ata o nisi fafine takutakua i Tusi Tapu, te Pasefiika, mo te lalolagi

Fakatomuaga:

Fesili ki tamaliki taki tokotasi me se a a tena meaalofa ne fai mo tena matua i te Aso Tapu o Matua?

Akoakoga:

Ko akoako mai te muna a te Atua ki Matua me e manakogina a matua kola e fakatuagagina (f.10); e galue malosi (f.17); e kaimalie ki tino mativa mo tino fakaalofa (f.20); kae ava ki te Aliko (f.30). A te aso fiafia o Matua e fakavae ki tapuakiga ko tena uiga, a matua e tau o ola faka lagolago mo te fakatuanaki ki te Atua.

Fakatomuaga:

Fesili ki tamaliki me kaia e se fialia ei a latou ki lotu mo te akoga i Aso Tapu?

Akoakoga:

Te Tala Lei a Iesu ne fuli ne ia a olaga o tino i Tuvalu ke lei. I aso taumua, a tino i Tuvalu e ifo ki tupua kae nofo mo olotou atua faite, kae atamai foki i poto fakataulaitu. Te olaga faitaua mo te loto masei e fakamasei ne ia a va o fenua mo potukau. A avaga e puke ki mafi mo uiga pouliuli pena. A amioga mo uiga katoa kona ne avekeatea ne te Tala Lei kae ko fou a olaga o tino; e tena te pogai e taua ei te aso fialia tenei.

Mea fai a tamaliki:

Lomi te ata o te vaka o Elekana kae e peipei ne galu i te matagi malosi.

Lomi te ata o Elekana mo tena Tusi Tapu i tona lima kae akoako a tino i Nukulaelae

Fuaiupu Tauloto:

Loma 1:16(a) "I au e se ma i te Tala Lei; i te mea ko te mana o te Atua e fakaola i ei a latou katoa e fakatuanaki."

Pese: Fili mai tusi pese

Talosaga: Te Atua Tafasili i te Malosi, fakafetai mo olaga o au tav-iniloto lasi kola ne kufaki ne latou a vasa mo afa kae ne fakasao ne koe ko te mea ke maua ne matou a te Tala Lei o te Fakaolataga i a Iesu. Fakamanuia au tavini kola e feagai mo faigataga ona ko te folafolaga o tau Tala Lei, amene.

ULUTALA 39: TE ASO O MATUA

Pogai: Fakamatala ki tamaliki ke maina lei i te Aso o Matua e fakamasaua i ei a tusaga lasi kola e fai ne matua mo latou, mo te kaiga e pela foki mo tulaga kesekese o te olaga.

i omotou olaga tupu aka. Amene.

ULUTALA 2: KO TE FAKATUANAKI KI TE ATUA

Pogai: Ke akoako ki Tamaliki a te tãua o te Fakatuanaki ki te Atua.

Tusi Faitau: Epelu 11:1-3

Fakatokãga mō Faiakoga:

E tenei foki a te sua mataupu lasi telã e tasi ei a te kau-Kelisiano katoa i te lalolagi, **Ko te Fakatuanaki ki te Atua e Tokotasi.** E mafai ne tino o talitonu ki te Atua, kae e se fakatuanaki ki a ia, kae ko te tinã Kelisiano, e fakatuanaki e iloa a ia mo te fakamaoni ki te Atua. A te fakatuanaki tonu, tena e iloa e fakamatala mai ne te Epelu 11:1, *'ko te Talitonu mo te fakamaoni, te loto katoatoa e iloa ki se mea telã e seki lavea ne koe ki ou mata'.* E seai e iloa se tino kai matea ne ia a te Atua ki ona mata, kae ko tino Kelisiano e tali'tonu e iloa kae fakatuanaki ki te Atua e pela e iloa me ko oti ne lavea ne latou a ia. A te talitonuãga a te Ekalesia Kelisiano Tuvalu, e talitonu ki te Atua kae e fakatuanaki foki ki a ia. Ko te Atua e iloa e tokotasi telã e fakamoemoe, fakalagolago kae tapuaki a tatou ki a ia. Te agaga maluga ke fakamalamala faka'lei ne tatou ki tamaliki a te tãua o te fakatuanaki, me ko te fakatuanaki fua ki te Atua e maua ei ne tatou a tena fakaolataga.

Mea a'koga mo fakamaina ei a te mataupu:

Igoa o tino o te fakatuanaki ia Epelu 12

Fakatomuaga: Kaiã e talitonu ei a tino ki te Atua? E isi se tino kai lavea aka e iloa ne ia a te Atua?

Akoakoga:

A tatou e tali'tonu kae fakatuanaki katoa ki te Atua auã me ne akoako mai ne 'tou tupuga ki a tatou, e faitaugina ne tatou i tena Tusitapu, e musumusumu mai ne te Agaga Tapu o te Atua ki a tatou kae molimaugina foki ne tatou i ana galuega katoa ne fai. E seai se tino e mafai ne ia o fai a galuega ne fai ne te Atua e pela mo te fakasopoakãga o te lâ i taeao takitasi, te fakatô mai ne ia o vaiua, te fakaagi mai ne ia o te matagi mo kautaufa malosi kae maise ko te ola mo te mate kola e pule tokotasi e iloa ne ia kae seai e iloa se isi tino e tãupule fakatasi mo ia. A te fakatu-

anaki malosi mo te talitonu katoatoa e maua fua manafai ko talia katoatoa ne tatou a Iesu ke fai mo 'tou Fakaola, ka ulufale mai ei a te Agaga Tapu o te Atua ki a tatou ko fai ei tatou mo tino fou ia Keliso (1 Kolinito 5:17). Ko te Agaga Tapu i loto ia tatou telâ ka fesoasoani mai kae takitaki ne ia a tatou ona ko tatou ko fai mo fanau a te Atua (Loma 8:14-16). Tamaliki, tali'tonu kae fakatuanaki ki te Atua nei, e fakaolagina ei koulua ki te se gata mai e pela eiloa mo te fakamoemoea o te Atua mo tatou.

Mea fai a Tamaliki:

Fakafesili kia latou me kooi a tino eiloa ne latou I loto I te Tusi Tapu ne tino o te fakatuanaki

Fuaiupu Tauloto:

Epelu 11:1 "A te fakatuanaki, ko te talitonu ki mea e fakamoemoe tatou ki ei, ko te talitonu fakamaoni foki ki mea e se matea ki mata."

Pese: Fili mai tusi pese

Talosaga: Te Atua te motou Tamana faka te lagi ia Keliso Iesu, fakafetai mo tou alofa fakamaoni mai ki a matou. Fakafetai foki mo tau fakaolataga. Fesoasoani mai ke tumau matou i te talitonu mo te fakatuanaki ki a koe i aso katoa o motou olaga. Fakamanuia mai nei mo matou i te aso nei ona ko Iesu. Amene.

ULUTALA 3: Ko te Fakaolataga a te Atua.

Pogai: Ke akoako a tamaliki ke maina faka'lei a latou i te Fakaolataga a te Atua telâ ko oti ne fakatoka mō te tagata.

Tusi Faitau: Ioane 3:14-17.

Fakatokâga mō Faiakoga:

E tenei foki a te suâ mataupu lasi kae tãua kî i loto i te Talitonu faka-Kelisiano, ko te Fakaolataga a te Atua. E fakatãua i te mataupu tenei ko tamaliki ke malamalama faka'lei me seâ a te fakatokâga a te Atua mo te fakaolâga o te agaga o te tagata telã ko 'mao mai i te Atua ona ko te agasala. A te tau i o te agasala ko te mate (Loma 6:23), kae ona la ko tino katoa ko agasala (Loma 5:12), e mafai la pefea a latou o toe

Faifesili ki fesili e autu tonu loa mo te 'tala a tatou i te taeao nei.

Pese: Tuku tau Meaalofa mo te Aliko....

Fuaiupu Tauloto: Mataio 2:6 "A koe foki e Petelema i te fenua o Iuta, ka sili atu tou taulia i Aliko o Iuta; me e tupu mai ia koe se takitaki tela ka pule ne ia toku fenua ko Isalaelu."

Talosaga:

Te Atua o te Alofa tauanoa, fakafetai matou mo te tala gali. Kae akai matou ke fesoasoani mai koe ki omotou olaga, ke fiafia matou o 'sala faeloa ki a koe i omotou olaga, kae maise, ke fiafia foki matou o ôla mô koe. Amene.

VAEGA 9 : KO ASO FAKAMANATU

ULUTALA 38: TE ASO OTE TALA 'LEI

Pogai: Ke akoako a tamaliki ke maina fakalei me i te Tala Lei ko te tala o te fakaolataga tela ne fuli ne ia a olaga o tino mai te pouliga ki te mainaga o Iesu.

Tusi Faitau: Luka 2:8-20.

Fakatokaga mo Faiakoga:

Te Aso Fiafia o te Tala Lei i Tuvalu e fakamanatu i ei te okoga mai o te lotu io me ko te Tala Lei a Iesu tenei e fakavae kae tausi ne te Ekalesia Kelisiano Tuvalu. Te aso fiafia tenei e fai i ei te tapuakiga fakapitoa tela e fai i te lua o Aso Tapu o te masina o Mee. E masani o fakamatala a tala o te oko maiga o te Tala Lei ki Nukulaelae mo fenua katoa o Tuvalu. E tenei foki te taimi e fai ei a taulaga tupe a kaiga, fakapotopotoga mo vasega, ke oko ki tino takitokotasi ki te Ekalesia mo fai ana galuega pela foki mo polokalame e atiakega i ei a olaga faka te agaga o tino. E fakasoko te polokalame ki tau-pese i te po mo te fakaala mo faiga fatele i te Aso Gafua.

Mea Akoga mo fakamaina te mataupu:

Ata o Iesu

Ata o faifeau Samoa kola ne galue i Tuvalu

Keliso ko fanau mai, kae ne lamalama ne Helota ke tamate neia Iesu ka ko nofo iei a Malia mo Iosefa mo te pepe i te fale o manu. A Helota ne vau ite gafa o Esau, tela e fai fili mo tekau Iu-taia. Ko pilipili ki te oti o tena nofoaiga, kae ne malaga mai iei a tino poto mai ite Sopogala o sala ate Tupu ote kau Iutaia. Ona ko te tulaga atamai o latou, tela e filifilagina sale faeloa latou ke ola o faipati ki te tupu. I te malaga o olo o sala te Tupu, e lavea ne latout e fetu pula, ka mai ite lotou maina i fetu, mote faitau foki ki tusi-tusiga fakapelofeta, e iloa ne latou o fakamatala te uiga o te fetu pula, me ko te fetu o te Tupu. Ne taki latou ne te fetu ki te koga tela e fanau iei ate Pepe. Ne lafo olotou meaalofa kite Pepe o Pe-teleema, te Fakaola o tino katoa.

Mea a'koga mo fakamāina ei a te mataupu:

· Ata #57

Niisi ata mafai e isi

Fakatomuaga:

Kaiā e ave saale ei a meaalofa a tino ki pepe io me ko taimi o asofanau?

Akoakoga:

A tagata poto konei mai i te sopoga'la ne faimalaga mai o 'sala, o faimeaalofa kae o tapuaki ki te Aliko, te Fakaola tela ne lavea ne latou a tona fetu fakatino. Ne mai latou mo te mautinoa mo te loto tali'tonu ko latou ke oko ki te fale e fanau ei a te Aliko. E 'pau e iloa mo tatou i aso nei, e lavea ne tatou a tino e fai meaalofa saale foki ki tamaliki foliki mo tino kola ko fai olotou asofanau, mea nei ne fakaasiga katoa o te a'lofa mo te amanaia ne tatou a te tino tela io ia a te asofanau. A te fanau mai o Iesu se meaalofa tena a te Atua te Tamana mô tatou tino katoa, ne tuku mai tena ola ke mate a ia mô 'tou agasala ke fakamagalagina. Seā la nei a 'tou tali ka tali atu ki te alofa o Iesu mo tena Tamana? Tamaliki, ke tuku atu foki a 'tou ola mo 'tou foitino ke fakaaoga mo fai a te finagalo o te Atua i te lalolagi nei i aso katoa e ola ei tatou.

Mea fai a tamaliki:

· 'Kala a te ata #57

fakaolagina? A Nikotemo, telā se Falesaio, ne vau i te po o fakafesilisili a Iesu e uiga mo te faitu tenei, mai i te sautalāga a laua, ne fai atu ne Iesu ki a ia me i a ia Iesu, ko te Tama a te Atua, ne uga mai ne te Atua te Tamana o fakaola a tino katoa i te lalolagi tenei (faitau 17). Ne fakamatala foki ne ia ki a Nikotemo a te auala e mafai ei o fakaolagina ei a te tino, telā **ko te fakatuanaki atu ki a ia** (faitau 16). *Seā a te fakaolataga a te Atua mô te tagata?* Ko tena meaalofa telā ko te **ola e se gata mai** (faitau 15). *Ne fakatoka mo oi a te Fakaolataga a te Atua?* Ne fakatoka mo **sose tino tela e fakatuanaki atu ki a ia** (faitau 15,16). E tenei a te Fakatokāga a te Atua, kae ia te tino e iloa takitokotasi mo tena filifiliga me talia ne ia a te meaalofa a te Atua me ikai.

Mea a'koga mo fakamaina ei a te mataupu:

Ata o te tino e kave ne ia te mealofa ki te sua tino, kae fakamalamalama te me sea te mealofa te kesega mo te tau.

Fakatomuaga:

Sea a te uiga o te pati tenei "Fakaolataga"? Fakalogologo faka'lei ki tali a tamaliki ko te mea ke mafai ne koe o iloa me e malamalama a latou i te uiga tonu me ikai.

Akoakoga:

Kafai se tamaliki e malemu i te tai kae ko seai e iloa sena mea koi mafai o fai, ko tona uiga, ko seai e iloa sena fakamoemoega ko ia ke ola, ne? E tenei foki e iloa a te tulaga telā ko oko ki ei a tatou katoa konei ne fanau mai ki te lalolagi tenei mai i te fakasologa o Atamu, a tatou ne tino agasala katoa kae ka maua ne tatou a te tau o te agasala telā ko te mate (Loma 5:12). Ko seai e iloa se mea e mafai ne tatou o fai ke fakaolagina ei tatou, ko 'pau e iloa a tatou mo te tamaliki telā ka pulu ki lalo i te malemu. Ne kilo alofa mai a te Atua ki tino katoa i te lalolagi nei, uga mai ei ne ia a tena tama fagasele e iloa e tokotasi ko Iesu, ke vau o mate i luga i te sataulo, o fakamaligi a tena toto pela mo te toto o te mae, ke osi atu ei a te taulaga mô te fakamagaloga o 'tou agasala. E tenei a te meaalofa a te Atua ki tino katoa i te lalolagi tenei kae ko oti foki ne fakataunū ia Iesu Keliso, e tenei foki e iloa a te "Fakaolataga" tela ko oti ne fakatoka ne ia. 'Toe fua la nei ko te filifiliga a te tino i a ia e iloa me e talia ne ia a te meaalofa tenei a te Atua, io me e teke ne ia. Tamaliki, talia a Iesu ki oulua olaga me e tenei e iloa a te Fakaolataga tonu a te Atua mo koe mo au, e ola ei tatou ki te se gata mai.

Mea fai a Tamaliki:

Lomi te ata o sose mealofa ne tuku atugina nese tino

Fuaiupu Tauloto:

Ioane 3:16 “Me ne pena e iloa o alofa mai te Atua ki te lalolagi, ne tuku mai ei ne ia a tena tama e tokotasi, ko te mea ke se malaia so se tino e fakatuanaki ki a ia, kae ke maua ne ia te ola e se gata mai.”

Pese: Fili mai tusi pese

Talosaga:

Fakafetai lasi te Atua te motou Tamana mo tau fakaolataga e auala i tau tama ko Iesu Keliso, telã ko fai mo taulaga manogi gali ki a koe e fakamagalo ei a motou agasala. Fakafetai Iesu mo tou lotomalie ke mate koe mo matou, akoako mai ke iloa ne matou o ola mō koe i omotou olaga katoa. Amene.

VAEGA 2: KO VAEGĀ TAPUAKIGA.**ULUTALA 4: Ko Tapuakiga Kaufakatasi.**

Pogai: Ke akoako a tamaliki ke malamalama i te tãua o tapuakiga kaufakatasi a te Ekalesia i Asotapu, Asotolu mo aso Fakamanatu.

Tusi Faitau: Epelu 10:19-25.

Fakatokāga mō Faia’koga:

Se tusaga tãua o tatou Faia’koga ko te fakamalamalamaga mo te fakamalosi ki tamaliki ke iloa ne latou a te tãua o tapuakiga fai fakatasi a ‘tou Ekalesia i aso tãua kona e fakaasi atu i luga i te pogai. A te Tapuakiga, se taimi telã ko fakapatino ne se tino e tokotasi io me ne tino e tokouke kola e tasi a te lotou talitonuga e ‘kaufakatasi ei latou o avatu a te lotou taulaga i vikiga mo tavaega o te Atua. A te ‘kaufakatasi o tatou katoa ki tapuakiga fai a ‘tou Ekalesia se fakaasiga foki o ‘tou alofa mo ‘tou fakatuanaki ki ‘tou Atua. Kafai a te tino e muna mai i a ia e talitonu ki te Atua kae se fiafia o ‘kaufakatasi ki tapuakiga fai a te Ekalesia, ko tona uiga a ia e se tonu a tena talitonuga. I te Feagaiga Mua, a taulaga a te kau Isalaelu tela ko te lotou tapuakiga faka te lotu, e fai ki te Faitaulaga Sili kae ko te Faitaulaga Sili fua e mafai o fanatu ki loto ki te Potu

Iesu, se faifaiga e fakamalosi ne ia a te fai mealofa o tatou ki te Atua.

Tusi Faitau: Mataio 2:1-12

Fakatokāga mō Faia’koga:

Peteleema (te Fale o Falaoa) se fakai foliki tela e lima maila ki te feitu ki Saute o Ielusalema, kae e tusa mo te 750 meter te maluga mai i te levolo o te tai. Tenei te fakai o Tavita mo ana matua (1Samu.16:1; 17:12). Ne takutakua malosi te fakai tenei mene fanau mai i ei a Iesu (Mika.5:2; Mata.2; Luka.2; Ioa.7:42). A Helota te Sili (Herod the Great) ko ‘te tupu o tino Iutaia’ i te tai-mi ne fanau ei a Iesu kae a ia ne mate foki loa i te tausaga foki loa tena i te 4 B.C. Ko Helota tenei ne faite ne ia te Faletapu i Ielusalema tela ne kamata i te 20 B.C kae ne oti lei i te A.D.62 ka ko leva ne mate i ei a ia. A Helota te Sili ne sui ne tena tama ko Helota Anitipa (4 B.C-A.D.39) tela ne feagai mo Ioane te Papapato mo Iesu (Mata.14:1-12; Male.6: 14-29; Luka.3:19-20; 9:7-9; Male.8:15; Luka.13:31-32; 23:6-16; Galu.4:27). A tena tulaga ne fakase ne tona fiafia ki a Helotia tela e fakatamana ki a ia, kae avaga mo tena taina ko Helotia tela e matua kesekese laua. Ona ko tena manakoga tena, ne mavae ei a ia mo tena avaga, kae avaga mo Helotia. A Ioane te Papapato ne fakaasi ne ia a tona se fiafia ki tona uiga tena, tela ne pei i ei ne ia a Ioane ki te falepuipui kae fakamuli ifo ne kati a tona ua i te manakoga o Helotia (Mata.14:1-12; Male.6:14-29; Luka.3:19-20; 9:7-9). Ko Helota foki loa tenei ne fakamasino ne ia a Iesu (Luka.23:6-16; Galu.4:27). A tino Poto mai te Sopogala i te gana Eleni ‘Magi’ e fakauiga ki tino fakataulaitu; kae i a Mataio (2:1) e fai mene aumai mai te Sopoga-la kola ko fenua faka Alapi mo Mesopotamia. A tino Poto konei ne poto i mea tau fetu me tela e takitaki ne te fetu (2:2) kae ne tino o fenua fakatea me e ‘se iloa ne latou a muna a pelofeta e uiga mote koga ka fanau mai o Iesu (2:2-6). Ona me tolu a meaalofo (2:11) ne tuku ki a Iesu, ko tuku taumate ei me tokotolu a tino ‘poto mai te Sopogala, ka ko latou kona ne tupu e pela mo te moli-mau a Isaia (60:3).

Lesona:

I te vaitaimi tenei, ko taimi o te tupu ko Helota. Ne logo te tupu i te

Fakatomuaga:

Kai isi aka loa se tamaliki i Tuvalu nei ne fanau i loto i se pamoā, paktaki io me se saipuaka?

Akoakoga:

A te fanau mai o se pepe ki loto i se kaiga, se fakafiafiaga lasi ki loa ki matua mo kaiga o te pepe kae maise ko te tamaliki muamua loa tela ko te ulumatua. A matua e masani o fakatoka saale ne laua a kope o te pepe pela mo pitaake, ko te tiisi koukou ko te fa-gu susu mo niisi mea aka foki. Amutia tatou kola ne fanau i te fa-kaimasaki io me i loto i se fale gali kae mafanafana, kae fai mai a te Tusitapu, me ia Iesu ne fanau fua i loto i te fale e tausii ei a manu pela mo pulumakau mo kouti mo mamoe, ona me ko seai se avanoaga mo latou i loto i fale talimalo. Tamaliki, a te fanau mai o Iesu i loto i te fale manu se fakaasiga o te auala o te loto maulalo kae se ko te fiamaluga mo te fiasili. Tela la, ke fakaakoako tatou ki te Aliko ke ola tatou i se olaga loto maulalo mo te alofa.

Mea fai a Tamaliki:

'Kala a te ata #54.

Fai a fesili mo atili fakamāina ei a te tala o te taeo nei.

Pese: "Ko fanau mai te pepe...."

Fuaiupu Tauloto: Mataio 5:5 "Amutia a latou kola e loto malalo me fai ma latou a folafolaga a te Atua."

Talosaga:

Te Atua te motou Tamana alofa, fakafetai mo te fakaasi mai ne koe se ata fakaakoako ki a matou, ko te mea ke ola matou i te loto maulalo. Fesoasoani mai ke mafai ne matou o ola i loto i tou finagalo. Amene.

ULUTALA 37: KO MEAALOFA A TINO POTO MAI I TE SOPOGALA.

Pogai: Ke fakamaina ki tamaliki, me i te fai meaalofo ki te pepe ko

Tafasili i te Tapu tela e nofo i ei a te Atua, kae nei, ko oti ne maua ne tatou a te saolotoga o olo atu ki te Tamana me ko oti ne fakamavaelua ne Iesu a te 'pui tela ne tapu ei a tino ma olo atu ki te Atua. Ko Iesu e iloa nei a te 'tou Faitaulaga Sili tela e fautua mō tatou ki te Atua te Tamana i te lagi.

Mea a'koga mo fakamaina ei a te mataupu:

Ata ose kaufakatasiga: me I tafaoga io mese aso fakamanatu

Fakatomuaga: Kaiâ e olo ei a tino ki te lotu? Fakalogologo faka'lei ki tali a tamaliki ko te mea ke maua ne koe me neâ a lotou lagona i te olo o tino ki te lotu.

Akoakoga:

A tino e olo ki te lotu o tapuaki ki te Atua telã e talitonu a latou ki ei. Se fakaasiga o te lotou talitonuga, te lotou a'lofa mo te lotou fakatuanaki ki te Atua. E tenei foki e iloa a te pogai tonu ne faite ei ne te Atua a te tagata, ko te tagata ke ola o tautua kae tapuaki atu ki a ia (Failauga 12:13). Ona ko te alofa, te atafai mo te aga'lei o te Atua ki a tatou ana fanau i aso takitasi o 'tou olaga, telã la, e 'tau e iloa mo tatou o avatu a te vikiga mo te tavaega ki a ia. A te tapuakiga e fai ki te Atua telã e 'malu kae tapu, telã la, e 'tau foki e iloa mo tatou o tapuaki atu ki a ia i te agaga o ava mo te matakua ki a ia. A Iesu ne mate ke maua ne tatou a te saolotoga o olo atu ki te Atua te Tamana, ne 'sae ne ia a te auala, kae manako mai foki loa a te Atua ke olo atu a tatou ki a ia e auala i tena Tama fagasele, ko Iesu te 'tou Fakaola. Tamaliki, ke fiafia koulua o 'kaufakatasi faeloa ki tapuakiga me se mea e iloa e 'tau mo tatou o fai i 'tou olaga tautua ki te Atua. E seai se olaga talitonu io me se olaga tautua ki te Atua manafai e se 'kaufakatasi tatou ki tapuakiga fai a te Ekalesia.

Mea fai a Tamaliki:

Lomi ata o tino e tokouke e kaufakatasi kise faigamea

Fuaiupu Tauloto: Epelu 10:25 "Ke tumau faeloa te maopopo saale o tatou, e pela e iloa mo te mea e masani ei a nisi tino o koutou. A te mea sili ke fakatau fakamalosii e iloa ne tatou a 'tou loto, i te mea ko iloa ne koutou i te Aso o te Aliko ko pili mai."

Pese: Fili mai tusi pese

Talosaga: Te motou Atua telā e tali'tonu kae tapuaki a matou ki ei. Ko koe e iloa a te Atua e tokotasi kae seai aka foki i ou tafa. Ko tou alofa ko ola ei matou i te aso tenei kae maise i aso katoa o motou olaga. Fesoasoani mai ki a matou ke fai matou mo tamaliki e fiafia ki tapuakiga 'kaufakatasi a tau Ekalesia o tapuaki atu ki a koe i aso katoa o motou olaga, ona ko Iesu te motou Alike Fakaola. Amene.

ULUTALA 5: Ko Tapuakiga i kaiga.

Pogai: Ke fesoasoani ki tamaliki ke fakatāua ne latou a tapuakiga i kaiga i taeao mo afiafi.

Tusi Faitau: Mataio 18:19-20.

Fakatokāga mō Faia'koga:

E se ko tapuakiga fai fua a te Ekalesia e tāua, kae ko tapuakiga foki a kaiga e 'tau mo tatou Faia'koga o fakamalamala faka'lei ki tamaliki ko te mea ke fakatāua ne latou i olotou olaga tupu aka. A te Atua e se kilo ki te tokouke o tino, kae e manako mai ki a tatou ke ola i loto ia tatou a te agaga fiafia o tapuaki atu kia ia. Muna Iesu, 'me i sose koga e potopoto i ei se tokolua io me se tokotolu i tena igoa, a ia e 'kaufakatasi mo latou.' E fakaasi mai ne te Alike i konei me e tāua a te tapuakiga fakatasi faitalia me se tauavaga, io me fakatasi mo la fanau, io me ko sose maopoopoga foliki i tena igoa, a ia e iai fakatasi mo latou. A te tapuakiga o te kaiga i te afiafi ko te avatuga o te taulaga fakafetai ki te Atua mo tulaga o te ao ko mavae atu, ko iku mo te manuia a fakamoemoega i te ola mo te 'lei katoatoa. E pena foki mo te tafataeao mafai ko ala aka a te kaiga, e avatu ei a te fakafetai ki te Atua mo te po ko teka atu, kae ko aulia a te ola mo te malosia i te taeao fou. Fakamalosi ki tamaliki ke fakalogologo faka'lei ki pati o te talosaga kae ke 'talo foki i olotou loto e iloa o fakafetai ki te Atua i taimi e fai ei a tapuakiga faka te kaiga.

Mea a'koga mo fakamaina ei a te mataupu:

Ata ose kaiga e maopoopo ki te tapuakiga

Fakatomuaga: Ko oi e masani saale o fai tapuakiga i olotou kaiga i taeao mo afiafi? E fai saale pefea a tapuakiga i outou kaiga? Nea au mea e fai saale mafai ko fai a te tapuakiga o te outou kaiga? *Fakafesilisili a*

ata fakaakoako kia matou, ko te mea ke ola matou I te loto maulalo. Fesoasoani mai ke mafia ne matou o ola iloto I tou finagalo, Amene.

ULUTALA 36: KO TE FANAU MAI O IESU

Pogai: Ke akoako a tamaliki ke māina i te 'tala o te fanau mai o Iesu.

Tusi Faitau: Luka 2:1-7

Fakatokāga mō Faia'koga:

Te tusiga igoa (census) te la ne fakatonu ne Kaisala Aokuso kae ko Kulenio ko te kovana o Sulia e fakapatonu kae fakamailoga i ei a te taimi (date) ne fanau i ei a Iesu. Ko tona uiga, i loto i gasologa o tala tuku fakasolopito o te lalolagi, ne gaki mai i ei a te Atua mo ana fua-fuaga, mo tena palani fakaola ke faka-galue mo tino o te lalolagi. A Iosefa ko te tamaliki a Iakopo (Mata.1:16), ne vau mai te gafa o Tavita (Mata.1:20) kae se tagata e matakū ki te Atua (Mata. 1:19). A Iosefa ne avaga ki a Malia ako la tama ko Iesu, Iakopo, Iosefa, Simiona, mo Iuta; kae e isi foki ne olotou tuagane (Mata.13: 55-56). A Iosefa ko te tamana o Iesu (Luka.4:22; Ioa.1:45; 6:42). " ... faka-moe i te tali fagai manu, me ko seai se koga mo latou i te faletali-malo" te ata o te tavini loto malalo kae 'e se kai filifili' me seai i a ia te loto fia sili kae ko te loto alofa mo tino katoa.

Lesona:

Ne fakatonu ne Kaisala Aokuso ke fai te tusiga igoa i fakai o tupu-ga o latou. Ko Kulene i ei te kovana o Sulia. Kaisala Aokuso ne pulepule mai ite 27 TMK ke oko ki te 14 TMTK. A Iosefa mo Malia ne aumai kite tusiga igoa, kae ko te taimi tonu foki e iloa ne fanau iei a Malia. Ko te fakataunuga o te valoaga nefai ne te pelofeta ko Mika 5:2 Muna ate Alike "Peteleema Efalata, a koe se fakai e tasi mai fakai foliki e iloa o Iuta, kae ka avaka ne au mai i a koe se pule mo Isalaelu, ko tena gafa e vau mai aso mua e iloa." I te okomaiga ki Peteleema, ko fonu te fale talimalo, kae ko seai se koga

Mea a'koga mo fakamāina ei a te mataupu:

Ata #54

Lesona:

A tausi mamoe e nofo ite vao, ite po kae fakaasi atu te agelu mo te fekau kia latou me ko fanau te Pepe o Peteleema ite fakai o Tavita. Te agelu, ko te avefekau ate Atua. Ite mataupu silisili, a Iesu kote Fakaola, ko ia foki ko te Keliso, te Atua Fauu kae fakata-pu, ko te Mesia. A Ia foki ko te Aliko. Muna te agelu, ka maua atu ne koutou te tamaliki e pulupulu ki laugatu, kae e fakamoe aia I loto ite tali fagai manu.

Mea a'koga mo fakamāina ei a te mataupu:

Ata 55

Fakatomuaga:

Kafai a te po ko pouli aka loa kae 'nofo tatou i te vao, kae sae fakavave mai se mainaga pula kae lasi, mata tatou e poi kae ma'taku?

Akoakoga:

A fakaasiga katoa konei ne 'tupu, ne mea katoa e molimau mai ne latou a te 'kese mo te 'malu o te tamaliki tenei ka fanau mai. Ko 'kese mai fanaumaiga o tino katoa kola ne fanau mai mua o Iesu, kae ke oko foki loa ki aso nei, seki ai loa se tino ne fanau mai ke isi ne fakaasiga pela mo fakaasiga konei ne 'tupu i te taimi ne fanau mai ei a Iesu. A tausi mamoe kaati ne 'poi katoa kae matakou me sea la a te mainaga lasi tenei ko maina mai luga o latou. Ne 'poi foki me ko sae mai a te agelu o folafola mai a te Tala 'Lei ki a latou

Mea fai a tamaliki:

Kala a te Ata #54

Fai a fesili mo atili fakamaina ei a te tala o te taeao nei

Pese: "Ko fanau mai a te pepe"

Fuaiupu Tauloto: Mataio 5:5 "Amutia a latou kola e loto malalo me fai ma latou a folafolaga a te Atua"

Talosaga:

Te Atua te motou Tamana alofa, fafetai mo te fakaasi mai ne koe se

fesili konei ki tamaliki kae fakalogologo faka'lei ki olotou tali ko te mea ke tuku mai a lotou mafaufau ki te mataupu o te aso nei.

Akoakoga:

Sose kaiga kelisiano telā e tali-tonu ki a Iesu ko te Fakaola, e 'tau eiloo o fiafia o tapuaki fakatasi pela me se kaiga i taeao mo afiafi katoa ki te Atua e auala ia Iesu Keliso. A 'tou tapuakiga fai e avatu ei ne tatou a vikiga mo tavaega ki te Atua auā me e amanaia ne tatou a tena alofa mo tena aga'lei mai ki a tatou. Fai mai a te Iakopo 1:17 me i mea 'lei katoa mo meaalofa e maua ne tatou, e mai i te Atua i te lagi. A te ola e a te Atua foki, telā la e 'tau eiloo mo tatou o avatu a te fakafetai ki a ia i aso katoa. E tenei tonu a te taimi e 'tau ei mo tatou e tamaliki o toe kilo ki te alofa mai o te Atua ki a tatou i aso takitasi mo po takitasi o 'tou olaga. I ao, e tafao faeloa tatou kae puli a te Atua. I po, ko 'moe tatou kae se mafaufau foki ki te Atua. Kae ko te Atua la e tumau eiloo a tena alofa mo tena tausiga ki a tatou, telā la e tamaliki, ke iloo ne tatou o avatu a te fakafetai ki te Atua i aso takitasi o 'tou olaga kae maise i loto i tapuakiga fai fakatasi a 'tou kaiga.

Mea fai a Tamaliki:

Lomi ata ose kaiga e fai te lotu

Fuaiupu Tauloto:

Salamo 103:1-2 "Toku agaga, tavae atu ki te Aliko. Toku foitino katoa-toa, tavae atu ki tena igoa tapu. Toku agaga, tavae atu ki te Aliko, kae sa puli foki a te lasi o tena alofa."

Pese: Praise Him, Praise Him, Praise Him in the morning praise Him in the evening....

Talosaga: Te motou Tamana, fakafetai mo tou alofa lasi mai mo matou. Fakafetai foki mo omotou kaiga ne tuku mai ne koe, ke fakamanuia ne koe kae ke fai mo kaiga e fiafia o tapuaki atu ki a koe i aso katoa. Amene.

ULUTALA 6: Ko Tapuakiga i tou vasia ki te Atua.

Pogai: Ke akoako a tamaliki ke iloo ne latou o tapuaki ia latou eiloo taki-

tokotasi ki te Atua.

Tusi Faitau: Epelu 4:14-16

Fakatokāga mō Faia’koga:

A te saolotoga o tapuaki ki te Atua e se mo kaulotu io me mo kaiga fua kae e mō tatou katoa takitokotasi. Ke fakamalosi ne koulua ki tamaliki ke fiafia latou o faitalosaga saale ki te Atua i olotou olaga, faitau a te Tusi-tapu, usu pese o vikiga o te Atua, kae maluga i te autū o te mataupu tenei, ke isi se taimi e fakapatino tonu mō te Atua i tou olaga, e `nofo mafaufau ei koe ki a ia kae tapuaki atu ki a ia ona ko ana faiga gali mo koe.

Mea a’koga mo fakamaina ei a te mataupu:

Ata o te tino e tapuaki tokotasi i loto i te fale

Fakatomuaga: E mafai ne tatou pefea o tapuaki atu ki te Atua i `tou olaga takitokotasi?

Akoakoga:

E lavea ne taua fanau me taua kii a te tapuaki o koe tokotasi ki te Atua aua me tasi tenei te auala e fakaasi ei ou lagona totino ki te Atua. E tenei foki te auala e mafai iei o `loto a te mafutaga io me pili malosi koe kite Atua i tou taimi tokotasi mo Ia.

Mea fai a Tamaliki:

Lomi te ata o te tamaliki e fai tena talosaga tokotasi

Fuaiupu Tauloto:

Ielemia 33:3 “Kalaga mai ki a au, kae ka tali atu au, ka taku atu ne au a mea gali kae fakafoofogia kola e seki iloa lele eiloa ne koe.”

Pese: He is Lord, He is Lord... io me fili mai tusi pese

Talosaga: Te Atua te motou Tamana alofa, fakafetai me i tou alofa e mō matou katoa takitokotasi. Akoako mai matou e auala i tou Agaga Tapu ke iloa ne matou o fakaaoga a motou taimi mō koe i aso takitasi, kae maise ke fiafia matou o sautala mo koe i omotou olaga tupu aka. Amene.

Fuaiupu Tauloto: Mataio 1:20 ...“Iosefa te mokopuna o Tavita, sa matakū o fai Malia mo fai tau av-aga, i te mea ko faitama i te Aga-ga Tapu”.

Talosaga:

Fakafetai lasi te Atua alofa mo `tou alofa tumau mo matou, kae maise ko te tuku mai ne koe o tau tama fagasele ke mate mo omotou aga-sala ke fakamagalogi-na. Fakamanuia mai mo matou ke fai matou mo tamaliki e ola talitonu ki a koe i aso katoa o motou olaga, ona ko Iesu. Amene.

ULUTALA 35: KO TE FOLAFOLĀGA KI TAUSI MAMOE

Pogai: Ke fakamatala ki tamaliki me ne fakaasi foki ne agelu ki tausi mamoe i te vao me ko fanau mai a te Iesu, te Fa-kaola o te lalolagi.

Tusi Faitau: Luka 2:8-20

Fakatokaga mō Faia’koga:

A tausi mamoe o Palesitaina e fakatulaga me ne tino mativa, e nofo ki te taki selau a olotou mamoe e tausi. Te mamoe se manu e lauiloa a tona aoga i fenua konei ona me maua i ei a olotou sene; e fakaaoga a olotou fulufulu mo faite a gatu moko, ako susu e fakaaoga mo inu, mo fai foki a meakai. A pakili e fakaaoga mo faite a taka mo gatu ako kano mo kai, ako sinu e fakaaoga mo fai a nisi meakai. I te sua faitu, a tausi mamoe e galue malosi o sala a koga mo fagai kae fainu a olotou manu, ona mene koga lavaki kae se ola lei a mouku me se uke a vai. Te galuega faigata a tausi mamoe ko te tausi fakalei a olotou mamoe mai i manu fekai mo tino kaisoa fakatasi i ei mo te tau moko. A te galo o se mamoe e tasi se matua mea faka-fanoanoa ki te tausi mamoe. A te uiga o te muna `Agelu` i te gana Eleni se `faifekau`. Te agelu ko te faifekau faka te agaga a te Atua. E pela mo tala i Pateleake (Kene.16:7-14;19:1-22; 22:11, 15-18) ke oko ki fekau ki nisi tino (Eso.3:2; 23:20-23; 33:2; Fama.13:3-5; 1Tupu.19:5-7; 2Tupu.19:35; Isa.37:36). A faifekau konei e seai ne foitino o latou Sala.91:11-12), e fakaaoga foki i nisi taimi ke fakaako ne latou te fakamasinoga a te Atua (Mata.13:49-50).

Lesona:

Te fanau mai o Iesu e kese mai i te fanau o tino katoa. Malia ko filigina me ka fanau mai ne ia Iesu, te Fakaola. Kae ko ia ka faitama ite agaga tapu. E fa-kafoofogina te tulaga tenei, kae ne faigata foki kia Iosefa ona me ese mala-malama ite fakasiga tenei ne oko kia Malia. On ko tu mo faifaiga, tela ne faigata iei o talia ne Iosefa, kae ne mafaufau ke mavae laua mo Malia. I taimi tonu e iloa tenei, ne oko mai iei te fakasiga ate Aliko kia Iosefa ke avaga ne ia a Malia, me ko faitama ite agaga tapu, kae ka fanau ne ia te tama tagata, kae ka fakaigoa kia Iesu, me ka fakaola ne ia a tino katoa. Malia ne mata-ku, kae ne fakamalosigina ne te agelu, kese matakau, me ko oti ne filifiligina aia mai i loto ite tokou-kega o fafine.

Fakatomuaga:

Tamaliki, koutou e isi katoa ne outou tamana. Ia kae nei, koutou ka fakalogologo ki te tala o te tamana o Iesu tela ko Iosefa.

Akoakoga:

A Iosefa ne kalagagina ne te Atua ke fai a ia mo avaga a Malia, me ia Malia ka fanau mai ne ia se tamaliki tagata, kae ke fakaigoa ne laua ki a Iesu, me ka fakaola ne ia a tino katoa mai i olotou agasala. E lua a akoakoga tãua e maua ne tatou i te tala o te taeao nei:

1. Ko te filifiliga a te Atua
2. Ko te fakalogo o Iosefa

A tatou taki tokotasi, e filifiligina katoa ne te Atua i 'tou olaga ke fai ne tatou ne tusaga tãua mô ia i te lalolagi nei, kae manakogina la iei ko tatou ke faka'logo ki ai

Mea fai a Tamaliki:

- Tauloto a te Fuaiupu Tauloto
- Faifesili mo tamaliki ki fesili kola e autu tonu ki te ulutala o te aso nei. Fakafesili ki tamaliki taki tokotasi me mata la nei seâ a te finagalo o te Atua mô latou?

Pese: When the Saviour calls

VAEGA 3: KO KAIGA FIAFIA FAKA-TE-LOTU**ULUTALA 7: Te Kilisimasi**

Pogai: Ke fakamatala faka'lei ki tamaliki a te tãua o te aso fakamanatu ko te Kilisimasi.

Tusi Faitau: Luka 2:1-20

Fakatokaga mo Faiakoga

Te Kilisimasi se Kaiga Fiafia tela e fakamatu faeloa i te po 25 o Tesema i tausaga katoa e fakamasaua i ei te Aso Fanau o Iesu te Fakaola; vagana i ei ko te Ekalesia Armenia tela e fakamanatu ne ia te aso fanau o Iesu i te po 6 o Ianuali. E masani o taku sale te aso fakamanatu tenei me ko te 'Kaiga e fakamanatu ei a te Fakaola' (the Mass of Christ).

E tonu te molimau me e seai se tino e iloa ne ia te aso tonu ne fanau ei a Iesu; tela la, e seai foki e iloa se iloa mautinoa me ne fakamanatu sale a te aso fanau o Iesu mai i tua o te tolu senitenale. Tiga i ei te faitu tena, ne fakamanatu sale i te tolu senitenale a te po 6 o Ianuali mo fakamanatu te oko mai o Iesu ki te lalolagi ("epiphany"), tela e aofia i ei tena fanau mai, te asiga a tagata poto mai te sopogala, mo tena papatisoga.

I aso o te pouli, a tino fapaupau ne fakamanatu ne latou te aso tenei, te po 25 o Tesema mo fakamanatu te aso fanau o te atua fapaupau o latou ko "te La tela e se mafai o Fakatakavalegina" (Unconquerrable Sun). Fakamuli ifo, ko maina a tino i te Tala Lei tela ne toe fili ei ne latou te po 25 o Tesema mo fakamantu te Aso Fanau o Iesu te olotou Fakaola tela ne fakasao ne ia a latou i te olaga agasala tela ne taki a latou ne te atua fapaupau ki ei.

Mea Akoga mo fakamaina te mataupu:

Ata
Video

Fakatomuaga:

Fesili ki tamaliki me ne fakamanatu pefea ne tona tamana a te Aso Kilisimasi? Ako ia te tamaliki, nea ana mea ne fai i te aso taua tena?

Akoakoga:

Te Kilisimasi ko te aso ne fili kae ne fakatu ne Kelisiano mo fai te aso

fakamanatu o te fanau mai o Iesu. Ko te aso ne oko mai te Fakaola o aumai te ola ki te lalolagi. Te aso ne liu tino ei a te Atua kae ola fakatasi mo tino. Te aso ne lavea ei te takavale o te olaga pouli i te Mainaga o te lalolagi ko oko mai.

Mea fai a tamaliki

Lomi a ata o te falemanu, mo te tali fagai manu
Faka koniseti te tala

Fuaiupu Tauloto:

Luka 2:11 "I te po eiloa tenei i te fakai o Tavita, ko fanau ei te otou fakaola ko Keliso te Aliko."

Pese: Away in a manger

Talosaga: Te Tamana, e moli atu te fakfetai lasi a matou mo Iesu tela ne fakaasi ne ia a tona alofa, tena loto malalo mo tena loto malie ke fanau mai a ia i te falemanu ona ko te se toka o ana tino tonu o talimalo a tona oko mai. Fesoasoani mai ki a matou ke tumau te talimalo ne matou a ia i omotou olaga, amene.

ULUTALA 8: Te Eseta (Toetu Manumalo o Iesu mai te Mate)

Pogai: Ke fakailoa ki tamaliki me i te Eseta ko te kogaloto o te Tala Lei.

Tusi Faitau: Mataio 28: 1-10

Fakatokaga mo Faiakoga:

Te Eseta ko te Kaiga Fiafia e fakamanatu i ei te toetu mamumalo o Iesu Keliso mai te mate, kae e fakamanatu faeloa i tausaga katoa.

Te muna *Eseta* ne mafua mai i te igoa o te *atua fafine* o tino Anglo-Saxon, ako te Kaiga Fiafia ne fakavae ki te toetu manumalo o Iesu. Ne lasi ki a kinauga e uiga mo te aso tonu o te toetu, kae ne iku i tokoukega o Kelisiano me se taua te aso tonu ona me faigata o iloa; kae e taua ke fai te fakamanatuga o te aso me taua ki te olaga fakatuanaki.

Mea Akoga mo fakamaina te mataupu:

Ata
Video

Fakatomuaga: Fesili ki tamaliki me kai lagona ne ia se tala i te tino ne

Pese:

Ne nonofo i te vao leoleo mamoe

Fuaiupu Tauloto:

Luka 1:31 "Kiloke, a koe ka faitama, ka fanau ne koe se tama tagata, kae ka fakaigoa ne koe a ia, ko Iesu."

Talosaga:

Te Atua te motou Tamana alofa, fakafetai kooti ne fakalogologo matou i tala ote fanaumaiga mo te tupuakega o Iesu, te motou Fakaola. Akoako mai matou, ke kilo atu matou kia koe Iesu te fakaola o matou, kae ke ola matou o fai te mea tela e loto koe ki ei, Amene.

ULUTALA 34: KO TE FOLAFOLĀGA KI A IOSEFA

Pogai: Ke akaoako a tamaliki ke iloa ne latou me ia Iosefa ne kalagagina ne te Atua ke fai mo tamana o Iesu.

Tusi Faitau: Mataio 1:18–25

Fakatokāga mō Faia'koga:

A Iosefa ko te tamaliki a Iakopo (Mata.1:16), ne vau mai te gafa o Tavita (Mata.1:20) kae se tagata e matakū ki te Atua (Mata.1:19). A Iosefa ne avaga ki a Malia ako la tama ko Iesu, Iakopo, Iosefa, Simiona, mo Iuta; kae e isi foki ne olotou tuagane (Mata.13:55-56). A Iosefa ko te tamana o Iesu (Luka.4:22; Ioa.1:45; 6:42). E isi se fakasalaga e mafai o oko ki se tamafine tela e fai feagaiga ke malie tela feagaiga mo Malia me ko faitama, kae e se iloa ne ia me ne faitama iai. Fakamuli ifo ne maina lei a ia e uiga mo te mea ko tupu i te fakaasiga tela ne fakaoko atu ki a ia i te moemiti, tela ne avaga ei a laua. A Mataio (1:18-25) mo Luka (1:26-56; 2:1-38) e kesekese a tala a laua e uiga ki te fanau mai o Iesu kae ko laua foki loa konei ne avake ne laua te tulaga "tamafine" o Malia. A Malia ne talia ne ia te fekau a te Atua i tona talitonu i a ia se tavini a te Aliko (Luka.1:38). Ne fakafetaui ne Elisapeta a tena kaiga ko Malia ki muna faka-amutia penei: "Amutia koe i fafine katoa" (Luka.1:42). Ne ave ne ia a tena tama ki te faletapu kae ne fakamaonia ne Ana mo Simiona a te fanau mai o te Mesia kae ne 'tao atu mo tena muna ki a Malia penei: "A tou fanoanoa ka fakatusa ki se pelu mata kai, ka suki ne ia a tou loto" (Luka.2:35).

Mai tua ote ono masina ne fakaasi atu iei a Kapilielu kia Sakalia, ako Elisapeta e faitama iei, ako ono ana masina. Ne oko foki tefakaasiga mai ite agelu ko Kapilielu kia Malia ite fakai o Nasaleta, i Kalilaia. A Malia, tela se taupou kae ko nofo nei mo Iosefa. Iosefa se tino mai ite gafa o Tavita. Aia se kapenita kae ne fakatonugina aia ne te Aliko i tena miti, ke fai ne ia a Malia mo fai tena avaga.

Te agelu tela ne vau mote fekau kia Malia, ne seki ifo kia ia, kae ne fakatalofa atu fua kia Malia. Ne fai atu kiei te agelu, ia ia ko oti ne filifiligina ke fai mo matua ote Fakaola.

Mea a'koga mo fakamāina ei a te mataupu:

· Ata #51

Vitio kaseti (mafai e isi e toka)

Fakatomuaga:

Mata e isi se tino ne vau ki te lalolagi nei i se auala fakaatea me ko tatou ne fanau katoa mai ne 'tou matua? Te mea e 'kese iei a Iesu, me koi tuai a ia o fanau mai kae e isi ne fakaasiga io me ne fakailoaga ne oko mai ki ona matua.

Akoakoga:

Tamaliki, a te fanau mai o Iesu, e 'pau e iloa mo te fanaumaiga o tatou katoa mai 'tou matua, kae e 'kese fua me ona koi tuai a ia o fanau mai, kae ko oti ne fakailoaga ne te avefekau a te Atua ki a Malia me ka fanau mai ne ia a te Fakaola. Ne filifiligina a Malia ne te Atua kae ne fakaoko mai a tena fekau e auala i te agelu. Te mea taua ke iloa ne tatou i konei, me i te Atua e pule ia tatou, e iloa foki ne ia a mea kola e fai ne tatou. Ona la ko Malia, se fafine e 'gali ona uiga, kae fai foki ne ia a te loto o te Atua, tela ne filifiligina ei a ia ne te Atua ke fai mo matua o Iesu, te Fakaola o te lalolagi. Kae ne tupu ake foki a Iesu, ne tausi faka'lei ne ia, ne putiputi ake ne ia ke oko e iloa ki tena matua. A tatou foki e mafai o filifiligina ne te Atua ke fai ne tatou ne tusaga lasi kae taua mô ia manafai e ola tatou o fai tena finagalo i 'tou olaga.

Mea fai a Tamaliki:

· 'Kala fakagaligali a te ata #51

mate, tanu, kae toe ola mai i te tolu o aso?

Akoakoga:

Muna Paulo (1Koli.15:17) me kafai a Keliso e seki toetu mai i te mate, ko se aoga te tou fakatuanaki. Ne toe fai foki ana muna i te faitau e 19 me kafai a tou talitonuga ki a Keliso se mea tau te olaga nei, ko toe tino fakaalofa e iloa ko tatou. E tena te pogai e talitonu a Kelisiano me i te toetu mai o Iesu Keliso mai te tino mate ko te kogaloto o te Tala Lei me i tou fakatuanaki e fakavae i tou Aliko tela e ola kae aumai ne ia te ola ki a tatou ko tatou ke ola ke oko loa ki te se gata mai.

Mea fai a tamaliki:

Lomi te ata o te toetu mo sotia e takato i lalo o vae o Iesu e pela mene tino ko mate.

Fuaiupu Tauloto:

1 Kolinito 15:20 "Ka ko te tonuga e iloa, a Keliso ne toetu ake mai te mate, ko te fua muamua e iloa o tino mate."

Pese: Fili mai tusi pese

Talosaga: Te Tamana o matou faka te lagi, ko oko loa te fiafia o matou me ko se fai a matou mo tino fakaalofa me i a koa e ola nei ke oko loa ki te se gata mai, e tena te ola ka tuku mai foki ne koe ki a matou ona ko matou e fakatuanaki ki a koe, amene.

ULUTALA 9: Te Aso o Tamaliki

Pogai: Ke fakamatala ki tamaliki me e fakataua ne Iesu a tamaliki

Tusi Faitau: Luka 18:15-17

Fakatokaga mo Faiakoga:

Te Aso o Tamaliki se Kaiga Fiafia tela ne fakatu ne Misioanale Samoa i te okogamai mo te Tala Lei ki Tuvalu. Te Kaiga Fiafia tenei ko fakamanatu faeloa i tausaga katoa; ka ko tamaliki ko fai mo kogaloto o te aso fiafia tena.

I te tusi faitau, a soko ne taumafai o liko io me taofi a matua mo olotou tamaliki ke moa e fakalavelave ki a Iesu. E seai se pogai e tuku mai ne tusi kae setaumate, ko te manatu fataua o soko ki fafine tela se kiloga

faka-Iutaia, mo te manatu mama ki tamaliki me koi foliki tela ne tau-mafai ei a latou o taofi ke moa e olo ki a Iesu. Ne fakaasi ne Iesu a te setonu o manatu o soko i te talia ne ia a tamaliki (Mata.19:13-15; Male.10:13-16).

Mea Akoga mo fakamaina te mataupu:

Ata
Video

Fakatomuaga: Fesili ki tamalikimene a a olotou lagona i te faiga a olotou meatauloto mo tala i te aso o latou tamaliki?

Akoakoga:

Ke masaua ne tatou me seai se tino e fataua i te Malo o te Atua; a tamaliki ne tino, e tau ke fakatauagina i polokalame fai i kaiga, fenua, lotu, mo te malo. I te sua feitu, sa kilo ki lalo i so se tino, me i a Iesu ne mate mo tino katoa kae alofa mo tino katoatela e aofia i ei a tamaliki.

Mea fai a Tamaliki:

Sala a ata mo video tape o lotu i Aso o Tamaliki kae kilo ki ei. A tamaliki ke fakamatata ki faiakoga mene a loa a gatu e tau o pei ne tamaliki Tuvalu i olotou aso fakamatu.

Fuaiupu Tauloto:

Maleko 10:14(e) "Tuku a tamaliki ke aumai ki au! Sa taofigina a latou, me o tino penei a te malo o teAtua."

Pese: Jesus loves the little children

Talosaga: Te Tamana o matou faka te lagi, fakafetai me i a koe e alofa tonu mo matou kae amanaia ne koe a matou, tiga te foniki o matou. Fakaeke mai ou lima o fakamanuia a matou, amene.

ULUTALA 10: Te Aso o te 'Tala 'Lei

Pogai: Ke akoako a tamaliki ke maina fakalei me i te Tala Lei ko te tala o te fakaolataga tela ne fuli ne ia a olaga o tino mai te pouliga ki te mainaga o Iesu.

Tusi Faitau: Luka 2:8-20.

e auala I te talitonu io me talia ne taua a ia ki taa olaga ko te mea ke mafai ne taua o fai te finagalo o te Atua.

Mea fai a tamaliki:

Lomi te ata o Iesu I tena toetu mai te mate

Fuaiupu Tauloto: Maleko 16: 6 "Ne fai mai a te tino tena kia latou, ana muna, sa `matau. A koutou e `sala kia Iesu te Nasaleta tela ne fakasataulo. E se I konei, ko oti ne toetu..."

Pese: OH! HOW I LOVE JESUS...

Talosaga:

Fakafetai te Atua mo te manumalo e auala I te toetu ake koe mai te mate te la ko mafai ne matou o manumalo I omotou olaga sasaele mo koe.

VAEGA 8: KO TENA FANAU MAI

ULUTALA 33: KO TE FOLAFOLĀGA KI A MALIA

Pogai: Ke akoako a tamaliki ke iloa ne latou a te fanaumaiga o Iesu fakatasi foki mo tena tupuakega.

Tusi Faitau: Luka 1:26–38

Fakatokāga mô Faia'koga:

Mai tua ote ono masina ne fakaasi atu iei a Kapilielu kia Sakalia, ako Elisapeta e faitama iei, ako ono ana masina. Ne oko foki tefakaasiga mai ite agelu ko Kapili-elu kia Malia ite fakai o Nasaleta, i Kalilaia. A Malia, tela se taupou kae ko nofo nei mo Iosefa. Iosefa se tino mai ite gafa o Tavita. Aia se kapenita kae ne fa-katonugina aia ne te Aliko i tena miti, ke fai ne ia a Malia mo fai tena avaga. Te agelu tela ne vau mote fekau kia Malia, ne seki ifo kia ia, kae ne fakatalofa atu fua kia Malia. Ne fai atu kiei te agelu, ia ia ko oti ne filifiligina ke fai mo matua ote Fakaola.

Lesona:

Pese: Fili mai te tusi pese

Talosaga:

Te Aliko, fesoasoani mai kia matou fanau ko te mea ke lavea ne matou te faigata o te sataulo ne tela ne feagai mo te motou Aliko ona ko tena alofa mo matou, amene.

ULUALA 32: KOTE TOETU MANUMALO O IESU KELISO MAI TE MATE

Pogai: Ke fakaasi io me fakamautinoa ki tamaliki me ia Iesu ne toetu mai ake loa mai te mate

Tusi Faitau: Maleko 16: 1—8

Fakatokaga mo Faiakoga:

Te toetu manumalo o Iesu ko te toe fakamoemoega ola loa o te Kelisiano me ona a Iesu ne toetu, telala tatou e toetu fakatasi mo ia manafai e talitonu `patonu tatou ki tena mate mo tena toetu manumalo (1 Kolinito 15:1—7). Tenei te `kesega a te talitonuga Kelisiano mo niisi talitonuga, aua me I niisi talitonuga, a tino kola e talitonu latou kiai ne seki toetu ake mai te mate, ka ko te tala ne lavea ne tatou mai te tusi faitau me ia Iesu e galo I loto I te tanuga e fakaasi mai iei, me ia ia ne toetu mai loa mai te tugamau.

Mea akoga mo fakamaina ei a te mataupu

Te ata o te toetu o Iesu

Fakatomuaga:

E mata e isi se tamaliki kai logo me isi se tino ne toetu ake mai te mate? Ia fakalogo mai ki te tala o te tino tela ne toetu ake mai te mate

Akoakoga:

Tamaliki ko te mea ke talitonu `patonu tatou me ia Iesu Keliso ne toetu ake e iloa mai te mate ke mafai o fakaola koe mo au mo tino katoa. E manakogina e tamaliki ko Iesu Keliso ke ola iloto I taa olaga

Fakatokaga mo Faiakoga:

Te Aso Fiafia o te Tala Lei i Tuvalu e fakamanatu i ei te okoga mai o te lotu io me ko te Tala Lei a Iesu tenei e fakavae kae tausi ne te Ekalesia Kelisiano Tuvalu.

Te aso fiafia tenei e fai i ei te tapuakiga fakapitoa tela e fai i te lua o Aso Tapu o te masina o Mee. E masani o fakamatala a tala o te oko maiga o te Tala Lei ki Nukulaelae mo fenua katoa o Tuvalu. E tenei foki te taimi e fai ei a taulaga tupe a kaiga, fakapotopotoga mo vasega, ke oko ki tino takitokotasi ki te Ekalesia mo fai ana galuega pela foki mo polokalame e atiakega i ei a olaga faka te agaga o tino. E fakasoko te polokalame ki tau-pese i te po mo te fakaala mo faiga fatele i te Aso Gafua.

Mea Akoga mo fakamaina te mataupu:

Ata o Iesu

Ata o faifeau Samoa kola ne galue i Tuvalu

Fakatomuaga: Fesili ki tamaliki me kaia e se fiafia ei a latou ki lotu mo te akoga i Aso Tapu?

Akoakoga:

Te Tala Lei a Iesu ne fuli ne ia a olaga o tino i Tuvalu ke lei. I aso tau-mua, a tino i Tuvalu e ifo ki tupua kae nofo mo olotou atua faite, kae atamai foki i poto fakataulaitu. Te olaga faitaua mo te loto masei e fakamasei ne ia a va o fenua mo potukau. A avaga e puke ki mafi mo uiga pouliuli pena. A amioga mo uiga katoa kona ne avekeatea ne te Tala Lei kae ko fou a olaga o tino; e tena te pogai e taua ei te aso fiafia tenei.

Mea fai a tamaliki:

Lomi te ata o te vaka o Elekana kae e peipei ne galu i te matagi malosi Lomi te ata o Elekana mo tena Tusi Tapu i tona lima kae akoako a tino i Nukulaelae

Fuaiupu Tauloto:

Loma 1:16(a) "I au e se ma i te Tala Lei; i te mea ko te mana o te Atua e fakaola i ei a latou katoa e fakatuanaki."

Pese: Fili mai tusi pese

Talosaga: Te Atua Tafasili i te Malosi, fakafetai mo olaga o au taviniloto lasi kola ne kufaki ne latou a vasa mo afa kae ne fakasao ne koe ko te mea ke maua ne matou a te Tala Lei o te Fakaolataga i a Iesu. Fakamanuia au tavini kola e feagai mo faigataga ona ko te folafolaga o tau Tala Lei, amene.

ULUTALA 11: Te Aso o Matua

Pogai: Fakamatala ki tamaliki ke maina lei i te Aso o Matua e fakamasaua i ei a tusaga lasi kola e fai ne matua mo latou, mo te kaiga e pela foki mo tulaga kesekese o te olaga.

Tusi Faitau: Fataoto 31:10-31

Fakatokaga mo Faiakoga:

Te Aso Fiafia o Matua e fakamailoga i ei te tulaga mo te tusaga o matua i loto i Tuvalu ona ko te taua o tusaga e panaki mo latou kamata mai i te fale, te kaiga mo fanau, te Ekalesia, te fenua i Fale-Kaupule mo fakapopototoga a fafine mo tulaga kesekese i te malo mo te olaga faka Tuvalu.

Ne talia ne te Fono Lasi i te 1986 ke fakamailoga te Aso Tapu o Matua i te toe Aso Tapu o Iulai. Ne filigina ne fafine a te aso tenei e fakamanatu foki ei te Mafutaga a Fafine o te Ekalesia Kelisiano Tuvalu.

A fiafiaga o te Aso o Matua e tala loa ki tapuakiga i te Aso Tapu tena i te lotu taeao mo te afiafi kola e fakatoka kae takitaki ne fafine. E tenei te taimi tela e uke a meaalofo e fakatoka ne tamaliki ma olotou matua, e fakatino i ei te fakafetai a latou mo te tausiga alofa a te matua ki a latou. A tagata i te aso tenei e kuka kae fakatoka a meakai mo fakagaligali te Aso o Matua. A fakafiafiaga e fakasoko ki taupese mo koniseti i te po mo fakaala, fatele mo siva i te Aso Gafua.

Ko fakataua malosi a te tusaga faka-matua i loto i te Fenua, Ekalesia, mo te Malo; kae fakasilisili ko tusaga faka-matua tela e panaki mo te tausi, akoako, mo te putiputiake o tamaliki. Te tusga faka-matua tena i loto i Tuvalu e se mafai o fakanafagina io me faka-tapulagina. E se gata fua i kona a tusaga o matua, kae i loto i te olaga saukatoa e lasi te tusaga fesoasoani e fai ne latou.

Mea Akoga mo fakamaina te mataupu:

Ata o matua takutakua i Tuvalu

Ata o nisi fafine takutakua i Tusi Tapu, te Pasefika, mo te lalolagi

Fakatomuaga: Fesili ki tamaliki taki tokotasi me se a a tena meaalofo

`mafa o te amoga ne amo ne Iesu kae maise a tona sataulo I tena auala ki Kalevalia

Tusi Faitau: Ioane 19: 16—27

Fakatokaga mo Faiakoga:

A uiga fakamotu loto, ko muna masei, muna loi mo amioga se tonu katoa ne fai kia Iesu I taimi o te fakamasinoga, te fakasalaga ke oko ki tona mate ko toe logo maega tafasili I te masei. Ka tuku tasi a mea katoa kona, fakatasi mo te mataga o tena mate I te sataulo ko taku a mea konaa ko te "sataulo" ne amo ne Iesu.

A te sataulo se lakau faka lava tela e fakasala i ei a tino tafasili i te masei a olotou uiga mo faiga,. Te sataulo e atagina i ei te mate faka lumaluma i tuu mo aganu faka Iutaia. Ne mafa malosia kia Iesu te sataulo o ia ona ko te vaivai o tona foitino I pago mo kini kola ne ave ne sotia Loma kia ia.

Fakatomuaga:

Kooi te tamaliki kooti ne lagona ne ia te tala i te fakasatauloga o Iesu? A te tala ka fakalogologo tatou kiei I te aso nei ko te tala o Iesu I te fakasatauloga ne sotia Loma. Mai tua o tena fakamasinoga ne te Kovana ko Pilato, ne iku ei ke fakasataulo.

Akoakoga:

E maina I te tala me ia Iesu ne fakasataulogina I tuapa o Kolokota. A puapuaga ne fakafeagai mo Iesu, fai mai mene talia katoatoa ne ia a ona puapuaga. I te taimi ne fakasataulo ei a Iesu ne seki fakafiti kae ne kufaki eiloa. Kafai e mafaufau tatou ki te mea ne fai ne Iesu, ailoga e isi se tino i te lalolagi tenei e mafai ne ia o fai pela mo Iesu. E seai se tino e mafai ne ia o kufaki a mea `see o nisi tino. E seai foki se tino e fiafia o mate mo te sua tino. Telala, e `tau mo tatou tamaliki o kufaki kae loto fakamagalalo ki nisi tino kote mea ke fiafia mai te Atua kia ta- tou.

Mea fai a Tamaliki

Usu pese

Fuaiupu Tauloto: Efeso 5:2

ne aumai Ktoa kia Iesu mo sopo a ia iei (f.7) me "e manako ki ei te Alik". Te mea tenei ne fai ne Iesu e fakataunu I ei a muna a te pelofeta ko Sakalia (9:9) me ko fakaasi ne Iesu me I te ia se tino o te filemu kae ese fakavae a tena malo ki malosi mo te fia maluga. E seai loa se fakaasiga o Iesu me I te ia se tupu, kae I te taimi ne sopo ei a ia iluga I te asini, a ona soko ne fola a gatu o latou I te auala kae ka'laga mo te leo lasi mo laupaama I olotou lima, "ke manuia a te tupu tela e vau I te igoa o Tavita!" Ne uate a tino I Ielusalema ona ko te faifaiga tenei.

Fakatomuaga:

Kai sopo aka koe I tua o te asini? Io me kai lavea ne koe se asini? Te aso tapu tenei, ko te tala I te ulu manumalo o Iesu ki loto I Ielusalema.

Akoakoga:

Ke fakaaloalo a tu tatou ki sose tino e taaua kii I tou olaga. E pena te malaga o Iesu e fakaataata ei tona loto mamlalo o ia tela ne fakaaoga ei ne ia te manu tenei ko te asini kae se ko te solofanua. Telala, tamaliki se tulaga ke ola te manatu tenei te lotomalalo mo te fakaaloalo I tou olaga sau katoa kae maise la ko tou fakaaloalo ki te Atua tela ko ia te tupu o tatou tino katoa.

Ke masaua foki ia taua tamaliki me ia Iesu ko tou fakaola tela ne mate mo fakamagalo tou agasala.

Fuaiupu Tauloto:

Faitau 8 –9e "tokouke tino ne fola olotou gatu I te auala, ka ko nisi tino ne fati ne latou a kaula o lakau kae fakamoe I te auala"

Pese: Let the Lord have His ways io me fili mai te tusi pese

Talosaga:

Te Atua, aumai kia matou se loto aava mo te fakaaloalo ke ola ia matou.

ULUTALA 31: KO TE FAKA SATAULOGA O IESU

Pogai: Ke fesoasoani ki tamaliki ke lavea ne latou a te faigata mo te

ne fai mo tena matua i te Aso Tapu o Matua?

Akoakoga:

Ko akoako mai te muna a te Atua ki Matua me e manakogina a matua kola e fakatuagagina (f.10); e galue malosi (f.17); e kaimalie ki tino mativa mo tino fakaalofa (f.20); kae ava ki te Alik (f.30). A te aso fiafia o Matua e fakavae ki tapuakiga ko tena uiga, a matua e tau o ola faka lagolago mo te fakatuanaki ki te Atua.

Mea fai a Tamaliki:

Kilokilo fakalei ki te ata o tou matua

Tusi ki lalao a mea gali kae lei ne fai ne ia mo koe

Tusi foki a mea kola i tau fakatau e se lei ei a tona olaga

Fuaiupu Tauloto:

Fataoto 31:30 "A te gali e fakase tino, pela foki te matagali e mafai fua o matafi, ka ko te fafine tela e fakaava ki te Alik e tau o tavaegina."

Pese: Fili mai tusi pese

Talosaga: Te motou Tamana faka te lagi, fakafetai mo omotou matua kola ne tuku mai ne koe. Te Tamana, ke tausi, ke atafai kae fakamanuia ne koe, ko te mea ke ola loa kae ol fiafia i aso koi toe o tona olaga, amene.

ULUTALA 12: Te Aso o Talavou

Pogai: Ke fakamaina ki tamaliki me i te Aso Fiafia o Talavou e fakamailoga i ei te taua o tupulaga ko te mea ke amanaigina kae putiputi-ake ke fakavae a olotou olaga ki te Atua.

Tusi Faitau: Failauga 11:9-10:1

Fakatokaga mo Faiakoga:

Te Aso o Talavou e fakamailoga i ei te taua o tupulaga tuputupu o Tuvatu me ko latou konei ko takitaki o kaiga, fenua, malo mo lotu o te aso a taeao.

Te aso e fakamasaua ki te lotu tela e masani fai i te vaiaso muamua o Aokuso; ako talavou e faitusaga i tapuakiga fakapitoa i te lotu taeao mo

te lotu afiafi. E fakasoko ki tau pese i te afiafi mo nisi fakafiafiaga i te Aso Gafua. E isi foki ne akoakoga fakapitoa kola e fakatoka mai ne te Mata-Galuega a Talavou i te Ulu Ofisa o Talavou o te Ekalesia Kelisiano Tuvalu mo fesoasoani ki olaga faka te agaga o talavou.

E tokouke a talavou takutakua i te Tusi Tapu e pela mo te tamafine ko Luta mo tamatene ko Tavita i te Feagaiga Mua mo te soko patipole ko Petelu mo tamataene faikimua ko Timoteo i te Feagaiga Fou. A talavou fataua konei ne fai mo tino takutakua i te fakatuanaki ona ko olotou olaga ne fuli ne te talitonu o latou ki a Iesu.

Mea Akoga mo fakamaina te mataupu:

Flash cards

Video i polokalame a talavou i olotou aso fakamanatu

Fakatomuaga: Fesili ki tamaliki me e fia a tausaga o tino kae lau a tino ki se talavou; kae fia foki a tausaga o tino e gata ei tena fai mo talavou?

Akoakoga:

Ko fakamalosiaina ne te mataupu tenei ke atafai kae alofagina a talavou i te lagona kae fakataua a olotou leo mo manatu; fakatasi mo te atiake a olotou olaga i feitu katoa tau te olaga; kae fakasilisili loa ko olotou olaga faka te agaga. A te talavou ka aoga malosi a tona olaga mo tena kaiga, fenua, malo mo te lotu manafai e ola mafuta mo te Atua i taimi katoa.

Mea fai a Tamaliki:

Fesili mo tali (e fakatoka ne faiakoga a fesili)

Fuaiupu Tauloto:

Failauga 11:9 "Tupulaga tuputupu, ke fakafiafia a otou olaga i a koutou koi tupu aka. Fai te mea e loto koutou ki ei, mo te mea e manako ki ei otou loto. Kae masaua i te Atua e fakamasino ne ia a koutou. Amene.

Pese: Fili mai tusi pese

Talosaga: Te motou Tamana, e tapu a tou igoa kae ke fai te mea e loto koe ki ei. Fakamanuia ne koe a talavou o Tuvalu kae akoako ne koe ke tausi te fakatuanaki tela ne fakavae ne koe Iesu, amene.

VAEGA 4: KO 'KAIGA FIAFIA O TE FEAGAIGA MUA.

tou mo te lei o tou kaiga, kae ke fai foki ne tatou mo te Aliko ko te mea ke vikia foki i ei a tena Igoa, ka maua foki i ei ne tatou a te tau 'lei mai te Aliko.

Mea fai a Tamaliki:

Tala kai i te tavini mo te pologa

Fuaiupu Tauloto: Efeso 6:7

Pese: Fili mai tusi pese

Talosaga:

Fakafetai te motou Tamana mo tiute kesekese kola ko oti ne fakaeke ne koe ki omotou matua pena foki ki au tavini kola e ga'lue mai lalo o pulepulega a nisi tino. Ko tiute mo galuega tauave kola e 'tau o fai mo te fakamaoni. E talo atu matou ke fesoasoani koe ki omotou matua ke mafai ne latou o fai a olotou tiute konei mo te loto katoa-toa ko te mea ke maua ne matou a te olaga fiafia, mo te manuia, kae ke vikia foki ei koe te Aliko. E talo atu matou ke fesoasoani mai kia matou ko te mea ke mafai ne matou o fai a mea kola e loto kae finagalo koe ki ei. Amene.

VAEGA 7: KO TE ULU MANUMALO, MATE MO TE TOETU MAI O IESU

ULUTALA 30: KO ULU MANUMALO IESU KI LOTO I IELUSA-LEMA

Pogai: Ke atiake a te iloa o tamaliki me ia Iesu ko te fakaola o tatou

Tusi Faitau: Mataio 21: 1—11

Fakatokaga mo Faiakoga:

Te Ulumanumalo o Iesu ki loto I Ielusalema se ata tafasili I te gali tela e lavea iei a ia se tupu mo te Fakaola o te lalolagi. A Petefake (te fale mati) se fa'kai foliki tela e tuu pili ki te mauga o Olive te koga tela e lavea lei mai I konaa a Ielusalema. A te asini mo te tama asini

tavini latou ki te Aliko kae se ki tino.

A te pologa e isi sena avanoaga o fai mo tino saoloto ia Iesu Keliso manafai e fakaaoga tonu a tena avanoaga o fai mo kelisiano fakamaoni (1 Kol.7.21-22)

Ne ola a te manatu mo te talitonu ia Paulo e pela e iloa mo Tu mo Aganu faka-Eleni i Loma me i tiute i kaiga ko fakatusa ki tofi ko maua ne tino talitonu i te kaiga o te Atua.

Ne fakaasi ne Paulo ki tino Efeso a te tasi o tino katoa ia Keliso. Muna a Paulo: "Tela la, a koutou ko se toe taku ne fakaaloafa io me ne tino o fenua fakaatea; ka ko koutou nei ko tino o te fenua o te Atua, kae tino foki o te kaiga o te Atua" (Efeso 2.19-20)

A te galue mo te loto katoatoa e fakauiga ki te galue mo te fakamaoni o pologa i te kaiga. Ne fakamalosi ne Paulo a pologa ke ga'lue mo te fakamaoni e pela me ga'lue latou mo Iesu Keliso A te Atua ka tau ai ki tino takitokotasi e tusa mo olotou galuega 'lei ne fai, me se polga me se saoloto e maua e iloa tena tau ai (Efeso 6.7&8).

Mea mo fakamaina te Mataupu:

Ata napa #34

Fakatomuaga:

Ko oi te tamaliki e fiafia o fai ana galuega mo te loto katoatoa? E uke a tino galue e fiafia o ga'lue mo te loto katoatoa ko te mea ke takuleigina latou ne olotou pule. A te mataupu a tatou i te Asotapu tenei, e fakamuna penei " So se galuega e fai ne koe ke fai mo te loto katoatoa.

Akoakoga:

Mai te mataupu a tatou i te Asotapu tenei, ko faka -masaua mai kia tatou tamaliki me i te olaga tenei, se olaga tela e 'tau ke ga'lue te tino mo te loto katoatoa. A akoakoga a Paulo e fakasino tonu ki tiute o tino takitokotasi i loto i te kaiga, mo latou ko taku ko pologa e ga'lue ke takuleia latou ne olotou Pule. A te galue mo te loto katoatoa tena uiga ke galue mo te fakamaoni kae ke tuku tou loto katoa ki te galuega e fai ne tatou. I nisi fakamunaga ke ga'lue tatou mo te fakamaoni. Ne fakamaina ne Paulo me i tiute a tatou konei e tau ke fai mo te loto katoatoa, kae ke pela me fai ne tatou mo te Aliko. Tela la, tamaliki ke fiafia tatou o ga'lue mo te Aliko, faitalia me e fai ne ta-

ULUTALA 13: Ko te Paseka.

Pogai: Ke fakamaina ki tamaliki te taua o te Kaiga Fiafia ko te Paseka

Tusi Faitau: Esoto 12:1-14

Fakatokaga mo Faiakoga:

Te kaiga fiafia ko te Paseka e fakamasaua i ei te fakasaoga ne te Atua o te fanauga a Isalaelu mai i te olaga pologa i Aikopito.

A te muna Paseka ne fuli mai i te muna Epelu ko te *pesack* a ko tena uiga ko te 'fakaseke' (faitau13) "... *Kafai e matea ne au a te toto, ka fakaseke ne au a te fale tena, kae ka se oko atu te fakasalaga tena ki a koutou tela e oko ki tino Aikopito.*" A te Paseka e masani fakamanatu i tausaga taki tasi i te masina o Mati ki a Apelila ne tino Isalaelu fua mo olotou tavini kola ko oti ne pilitome (faitau 43-44, 48-49).

Mea Akoga mo fakamaina te mataupu:

Ata mo flash card

Video

Fakatomuaga: Fesili ki tamaliki me fakasao pefea a tino mai i tona olaga agasala?

Akoakoga:

Te taua o te Paseka e lavea i loto i faiga mo tusaga o tino Isalaelu i fakamasauaga o te Kaiga Fiafia tenei tela e fakamailoga i ei te saolotoga mo te fakaolataga o latou. Te koga-loto o te Paseka ko te fakamasauaga o te alofa fakaola o te Atua. Te aso tenei e toe fakamalosi ei a fakamoemoega o tino ki te Atua i te feagai o latou mo fakalavelave faka te foitino i me ko fakalavelave faka te agaga. Te fakamasauaga foki tenei e fai ne kaiga tela la e fakamalosi i ei a te fusi-tasi o kaiga i te olaga tapuaki.

Mea fai a Tamaliki:

Lomi a ata o tino e nani a pou mataloa ki toto

Faka koniseti te Paseka muamua loa

Fuaiupu Tauloto:

Esoto 12:13 "A te toto i pou o mataloa o tou fale ko te failoga tena o fale e nofo a koutou i ei. Kafai e matea ne au a te toto, ka fakaseke ne

aua a te fela tena, kae ka se oko atu te fakasalaga ki a koutou, tela e oko ki tino Aikopito.”

Pese: Fili mai tusi pese

Talosaga: Te motou Tamana faka te lagi, e moli atu te fakafetai a matou mo au faiga alofa kola ko lavea i ei ne matou a tou alofa fakaola. A matou e talo ke maua foki ne matoua tou fakaola tela ne fakaasi mai i a Iesu, amene.

ULUTALA 14: Ko te Aso Penetekoso.

Pogai: Ke akoako a tamaliki ke maina i te uiga o te aso fakamanatu ko te Penetekoso.

Tusi Faitau: Levitiko 23: 15-22 (Numela 28: 26-31)

Fakatokaga mo Faiakoga:

Te uiga o te muna Eleni *Pentikost* – Penetekoso ko te lima-sefulu (fiftieth) o aso mai i te aso muamua e fakamanatu ei te Kaiga Fiafia ko te Paseka. I te Esoto 23:16 te aso fakamatu tenei e fakaigoa ko te Kaiga o te Katiga o Saito, tela e fakasino tonu ki te matua o taukai i lakau kaina katoa kola ne toki; kae i te Esoto 34:22 e fakaigoa ki te Kaiga o Vaiaso (Feast of Weeks tela e seai se fuliga i tou Tusi Tapu), kae fakasino tonu ki te ofoga o fuataga muamua o taukai mo fai te taulaga e fakatino i ei te agaga fiafia mo te fakafetai ki te Atua.

I loto i te vai taimi tenei (300BC – 300AD Hellenistic period) ne gaso-losolo malie o galo te kano-loto ne fakatu ei te Penetekoso kae ko fakataua te fakamanatuga o te tukuga o te Tulafono ki a Mose i te mauga o Sinai.

Te Aso Penetekoso i te tusi o Galuega e fakamanatu i ei te okomaiga o te Agaga Tapu tela ne fai mo malosia fakaopopo e fesoasoani ki Apositolo mo te kau-talitonu. E fakamailoga foki i te aso tenei a te aso fanau o te lotu me ko fakatoka e pela mese fakapotopotoga o tino talitonu ki te Tala Lei i a Iesu.

Mea Akoga mo fakamaina te mataupu:

Flash cards

Ata o fatoaga saito mo lakau kaina kola ko matua kae ko toka o tau.

te Atua.

Mea Fai a Tamaliki: Fesili tamaliki ki faiakoga

Fuaiupu Tauloto: Luka 11.13

Pese: Fili mai tusi pese

Talosaga:

Te Atua tela e alofa koe ki so se tino e fakatagi atu mo se fesoasoani. Ko ka'laga atu matou ki a koe ke alofa mai koe. Faka'fonu mai ne koe matou ki tou mana ke mafai ei ne matou o fakaasi a uiga alofa ki tino kola ne muamua o a'lofa mai. Ke fai foki ne matou ki nisi tino kola e fakalagolagokia matou. Ko au fanau e fai maua se fesoasoani. Ko talo atu kia koe ke fakamanuia fakatasi matou i te Aso nei. Ko kalaga atu matou i te igoa o tau tama pele ko Iesu. Amene.

Ulutala 29: So se galuega e fai ne koutou, ke fai mo te loto katoatoa.

Pogai: Ke fakamalosi ki tamaliki ke mafai ne latou o fai a olotou galuega mo te loto katoa toa i mua o te Atua.

Tusi Faitau: Kolose 3.23a

Fakatomuaga

A te galuega masani o te tino ko tena tiute tauave e aoga mo ia pena foki tena kaiga. Mai te fuaiupu e18 - fuaiupu.25 ko akoakoga io me ko fakatonuga a te apositolo ko Paulo mo tiute kesekese o tino takitokotasi i te kaiga. A tiute konei ne tauave ne latou e tusa mo tulaga kesekese o latou i loto i te kaiga. I te fuaiupu filifilia (f.23a) Ko takapili a te kiloga o Paulo mo ana akoakoga mai te olaga masani o te kaiga ki te olaga faka te agaga o tino i te Ekalesia. E pena foki a te mafaufauga a Paulo ki tiute o tino takitokotasi kola ne tauave ne latou. Muna a Paulo: "so se galuega e fai ne koutou, ke fai mo te loto katoatoa. Ko faka- pogai a te taviliga a Paulo ki pologa i te kaiga, kae ko fakamalosi ne ia latou ke ga'lue mo te loto katoatoa, pela me e

fakaaoga i te taimi o te 'talo. A te talo ko te auala e akai atu, e sala-sala atu kae tukituki atu a te tino ki te Tamana i te lagi. Iesu ne akoako ne ia a ona soko ki te talo (Luka 11.9-13).

I te fuaiupu filifilia (f.12) : "Ke fai foki ne koutou pena kia latou". ko te fakamaliega o te manakoga o te tulafono tela ne taumafai o akoako ne Iesu i tena lauga ki te vaitino mo ona soko. Muna konei; E pela mo te mea e ma'nako koutou ke fai ne nisi tino kia koutou, ke fai foki ne koutou pena kia latou. Ko muna e faka tumau i ei a te loto mo te agaga o te fia ga'lue fakatasi mo nisi tino. Ka lavea a te loto mo te agaga foaki manafai e tuku atu se mea ki nisi tino e akai mai kia tatau.

A te uiga tonu o te fakamunaga tenei ko te tau i atu o galuega 'lei mo galuega alofa a nisi tino kola ne muamua o a'lofa mai kia tatou. A te fakataunuga o te manakoga o te fuaiupu tauloto tenei ko te usiusitai ki te tulafono a Mose mo valoaga a te kau pelofeta. Ke fai foki ne tatau pela mo te toka o te Atua i tena tulaga faka tamana o tali kae tuku mai ne ia a mea kola e manako tatou ki ei.

Pela mo muna a Iesu; a ia seki vau o ofa a te tulafono kae ne vau o fakataunu faka'lei (Mat.5.17).

Mea mo fakaimaina te Mataupu: Ata o tino e foaki a olotou meaalofa ki nisi tino

Fakatomuaga:

Sea a te uiga o te pati tenei 'foaki'?. A te lesona a tatou i te Asotapu tenei e fai penei 'Ke fai foki pena koutou kia latou'. E lua a vaega o te foaki e masani tatou ki ei, i) ko te foaki atu i te agaga o te fai meaalofa ii) mo te foaki atu o tau i a galuega alofa a te sua tino ne fai kia koe.

Akoakoga

Mai te lesona a tatou tamaliki ko fakamalosi mai kia tatou tamaliki me i te olaga o te kelisiano se olaga tela e fakamalosi gina ke ola a te agaga fakatau fesoasoani mo te foaki. A te fekau ne maua ne tatou ko fakamalosi mai ke fai foki ne tatou a galuega alofa kia latou kola ne fialia o fesoasoani mai ia tatou. Segata fua i ei kae ko manakogina foki a tatou ke fai foki ne tatou a uiga alofa ki nisi tino. Kafai e fai foki ne tatou ki nisi tino ka silia atu a fakamauniaga ka maua ne tatou mai

Fakatomuaga:

Fesili ki tamaliki me isi se tapuakiga fakapitoa e fai i olotou faletapuaki mo fakamailoga kae fakatino i ei te tou fakafetai ki te Atua mo te taukai?

Akoakoga:

Te Kaiga Fialia o te Penetekoso e fakamanatu mai ki a tatou ke moa e puli a tou fakafetai ki te Atua e tusa mo tena fakasoa alofa e auala i lakau kaina mo mea katoa kola e ola ei a tatou i Tuvalu nei. E fakamasaua mai foki ne te aso Penetekoso me isi se tou fesoasoani tela e tau mo tatou o talia a tena leo alofa e takitaki ki ei a tou olaga tavini ki a Iesu.

Mea fai a Tamaliki:

Fakakoniseti te Kaiga Fialia ko te Penetekoso
Lomi ata o alelo afi i luga o ulu o Apositolo

Fuaiupu Tauloto: Ioane 14:26 (Agaga Tapu ko te fesoasoani)

Pese: Fili mai tusi pese

Talosaga:

E moli atu te motou fakafetai lasi te motou Tamana mo tou atafai mai ki a matou, ne fakaola ne koe a fatoaga o matou mo lakau kaina katoa, ke oko ki ika o te tai ne fakatoka ne koe mo matou, fakafetai lasi. Fakafetai mo tou Agaga Tapu tela ko te motou fesoasoani e takitaki ki ei a matou olaga, amene.

ULUTALA 15: Ko te 'Kaiga Fialia o te Tausaga Fou

Pogai: Ke fakailoa ki tamaliki te kano-loto o te Kaiga Fialia tenei.

Tusi Faitau: Numela 29:1-6; Levitiko 23:23-25

Fakatokaga mo Faiakoga:

Te Kaiga Fialia o Tausaga Fou e fakaigoa foki ki te Kaiga Fialia o te Fakatagiga o Pu ona me tena te mea tela e masani o fai e fakamailoga ei te aso lasi tenei. Ko te aso muamua o te fitu o masina i te Kalena Epelu e fakamasaua i ei te Kaiga Fialia tenei. Te aso lasi tenei e taku me ko te

Sapati o Tausaga tela e seai se galuega e fai i ei.

A tagi o pu i te kamataga o Tausaga Fou se kalaga tela ko lagona i loto i te fenua katoa ko tino ke tiakina te olaga fakapalapala faka te agaga, kae ala kiluga o fakafou te olaga me i te Aso o te Fakamaaga e tuakoi ki te aso fakamanatu tenei. A tagi o Pu e fagu ki tino Isalaelu ke ala ki luga kae ke salamo ki olotou agasala me i te iva o aso o te masina loa tena ko te Aso o te Fakamaaga. E tenei te vaitaimi o tausaga a tino Iutaia kola e fakamaoni ki olotou Tulafono e saga tonu o fakatoga a olotou olaga kae fai galuega fesoasoani ki nisi tino. A te tagi o Pu se kalaga fakaaloalo ki tino ke omai o fiafia i te Kaiga Fiafia kae tautua te Atua i olotou tapuakiga mo olotou galuega lei.

Mea Akoga mo fakamaina te mataupu:

Kilo ki te kalena Epelu mo fakasologa o masina o tausaga
Ata o Kaiga Fiafia o Isalaelu

Fakatomuaga:

Fesili ki tamaliki me ne a fakafiafiaga e fai i olotou fenua i te Aso o Tausaga Fou?

Akoakoga:

Te Tausaga Fou i Tuvalu se aso e toe faka malosi i ei a fousaga o te vaka folau o tino takitokotasi mo fenua i te malaga faka te agaga tenei e folau ei a tatou. Ko tona uiga, ko tau o tiakina a uiaga vaivai kola fakase ne ia te olaga tautali i a Iesu; fakamalosi te olaga faka te agaga mo tusaga kola e tau o fai. Se gata i kona, pale te taumua o te olaga ke saga tonu ki a Iesu te takitaki o te kaumalaga, kafai e fai a tatou pena, ko toka ei te malaga i loto i tausaga fou.

Mea fai a Tamaliki:

Lomi te ata o tino e fakatagi te pu
Lomi a ata o tino e saka fiafia i te Aso o te Tausaga Fou

Fuaiupu Tauloto: Isaia 27: 13

Kafai e oko mai te aso tena, kae ka fakatagi te pu o kalaga ki tino Isalaelu kola ne ave fakapagota ki Asulia mo Aikopito, ke foki mai. Ka au-mai a latou o tapuaki atu ki te Aliko i Ielusalema, i luga o tena mauga tapu.

Pese: Fili mai tusi pese

ne faipati ne ia ki ona soko ke fakatau a'lofa latou e pela me ne taina tonu. A te tulaga o te faipatiga a Iesu ne seki faipati ki te vaega muamua o te alofa tela ko te alofa o te tagata ki te Atua. Kae e fakamalosi ne ia ki te kau soko ke fakatau a'lofa. A Paulo ne akaoako ne ia me i te Tulafono ko fusi fakatasi i loto i te tulafono ke fakatau a'lofa. Tela la, e tamaliki e lauefa ate mataupu ka ko te mea taua ke ola ia koe mo au a te alofa. E 'tau ke fakatau a'lofa kae fesoasoani a te sua tino kit e sua tino ko te mea ke fiafia mai Iesu kia taua.

Mea fai a Tamaliki : Usu Pese

Fuaiupu Tauloto: Maleko 12.31

Pese: Fili mai tusi pese

Talosaga:

Te Atua te motou tamana e tokotasi. Iesu Keliso te motou fakaola e tokotasi tela ne manatu alofa mai ki te tagata. Ne lavea ne te lalolagi a tou alofa ki te kau soko i tou mafutaga fakatasi mo latou. Fakafetai mo muna akoako kia matou ke mafai ne matou o fakatau a'lofa mo omotou taina, ke mafai foki ei matou o atiake a te va ga'lue fakatasi pela mo te kaiaga e tasi o te Atua. Tena a te motou tinoga kae ko faka- auala atu i te Igoa loa o Iesu Keliso, Amene.

Ulutala 28: Ke fai foki ne koutou pena kia latou

Pogai: Ke fesoasoani ki tamaliki ke atiake a te agaga fia foaki mo nisi tino, ona ko te fakatau fesoasoani.

Tusi Faitau: Mataio 7.12

Fakatokaga mo Faiakoga:

A pati konei 'akai, salasala mo te tukituki atu e tasi eiloa a te uiga o latou ko te fia maua se fesoasoani mai te sua tino io me mai te sua koga. Ko te auala tela ka fakamaliegina i ei a te manakoga o te tino ki se mea e fia fai ki ai, kae e fia maua ne ia. A te uiga o te foaki ko te tuku atu ki te tino a te mea tela e ma'nako ki ei.

A te faitau katoa mai te (f.7-f.11) ko te fakaaogaga o muna konei ne te Aliko; akai, salasala kae tukituki atu. A muna konei ko muna e masani o

fakatuanaki. Ne seki fakauiga pena ne Iesu ki ona soko, kae ona ko te alofa o te Aliko ki ona soko. A te fuaiupu fililia 34 ko fakaasi ne Iesu a tena alofa mo latou, kae ne faipati foki ne ia a tena poloakiga fou " Ke fakatau a'lofa koutou. E pela mo au e alofa kia koutou; tela la, e 'tau mo koutou o fakatau a'lofa"

A te vaega alofa ko faipati ki ei a Iesu i konei ko te alofa ki tino fakaatea kola e se ne tino o te kaiga tonu. A Iesu ko faipati tonu euiga mo te alofa i te mafutaga fakasoko tela ka 'fusi fakatasi ei a te kau soko pela me ne taina tonu. Te manatu maluga i te mea ne fai ne te Aliko, ko fakatoka ne Ia a ona soko mo te talaiga o te Tala Lei.

Ne toe faipati atu a Iesu kia latou mai tua ifo o te taimi tena, o fakaasi a tena alofa tonu ki ona soko. Ne folafola atu ne ia a te oko mai o te Agaga Tapu tela ka maua ei ne latou a te mana o folafola atu te Tala Lei. Ne fakaasi foki ne ia ki ona soko me ka se tuku ne Ia latou ke fakaalofa kae ka toe vau a ia kia latou (Ioane.14.15-21).

Mai mua malie kae puke faka pagota a Iesu ne toe faipati atu ki ona soko o tali atu ki muna a Iesu; me 'ko pili mai aso ka se toe lavea mai ne latou a Ia' (Ioane 16.16)

Ko leva ne fakamaina ne Iesu a te Tulafono tafasili i te taua I tulafono katoa ki te tagata o te Tulafono kae ko ia foki se tokotasi mai te kau satukaio. A te tagata o te tulafono e fia maua ne ia a te katoatoaga o te tulafono. E lua vaega o te tali a Iesu. A te tulafono tafasili i te taua 'Alofa ki te Aliko tou Atua...' Ko te lua o tulafono Alofa ki tou tuakoi...'

(Maleko12.30&31)

Ne akoako ne Paulo me i te tulafono tela ko akutu i te fakatonuga e tasi o te alofa (Kalatia 5.14; Loma 13.8-10).

Mea mo fakamaina te Mataupu:

Pei faka vito te ata o Iesu mo ona soko

Fakatomuaga

Sea a te uiga o te muna Poloakiga fou, kae sea foki a tona aoga ki te olaga o te kelisiano? A te mataupu a tatou i te Asotapu tenei ko te poloakiga a te Aliko e fai penei: 'Ke fakatau a'lofa koutou'

Akoakoga:

Mai te mataupu a tatou tamaliki i te Asotapu tenei: fai mai ke fakatau a'lofa koutou, e pela mo au e alofa kia koutou'. Ko te Poloakiga Fou a te Aliko ne fai ki ona soko mai mua o tena mate. A te alofa ko fakamafa e tamaliki i te mataupu tenei, ko te alofa o te sua tino ki te sua tino. A Iesu

Talosaga:

Te motou Tamana, fakafetai mo te avanoa ke toe maua se taimi e kilo tonu ei a matou ki omotou olaga mo feitu kola e vaivai i ei a matou. A matou e talo ke fesoasoani mai koe o fakafou kae fakamalosi a omotou olaga tautali i a koe Iesu, amene.

ULUTALA 16: Ko te 'Kaiga Fiafia o te Tapaneko

Pogai: Ke akoako a tamaliki ke fakataua ne latou a lagona kola e fakatino i te Kaiga Fiafia tenei.

Tusi Faitau: Levitiko 23:33-44

Fakatokaga mo Faiakoga:

Te Kaiga Fiafia o te Tapaneko io me ko te Faletapuaki Ave Sale i Malaga e aofia i ei a Kaiga Fiafia o te Katiga o Saito, te Kaiga Fiafia o Fale Fakamalumu mo te Kaiga o Falaoa se Fakafete (Esoto 23:14-19). Te Kaiga Fiafia tela ko fakataua i te mataupu tenei ko te Kaiga Fiafia o Fale Fakamalumu.

Te Kaiga Fiafia tenei e fakamanatu i te sefulu lima aso o te fitu o masina o te Kalena Epelu (Oketopa); e lima aso mai tua o te Aso o te Fakamaaga. Te aso tenei e fakamailoga ki te olo o tino o nofo i falefakamalumu kola ne fakatu i tua o te fakai. Te faifaiga tenei e fakamanatu ei ne latou a te tulaga fakaalofa tela ne ola pologa ei a latou i Aikopito; ako te alofa atafai o te Atua tela ne fakasao ne ia a latou kae tausi ki a latou mai Aikopito, te malaga i te vao mo toafa i tausaga e fasefulu ke oko ki Kanana. Te Kaiga Fiafia o Tapaneko e fakamalosi ne ia a tino ke moa e fakapuli a faiga alofa a te Atua mo latou. E se gata i kona, a te nofo nei o latou i fale lei ko te ata lavea o te alofa o te Atua mo latou.

Te aso fiafiaga tenei e ofo i ei a taulaga fakafetai e uiga mo taukai; e fakaasi te fiafia o tino ki te Atua: "*Te lalolagi e o te Aliko mo mea katoa ei*" tela la, e tau o fakafoki faeloa ki a ia ana vikiga mo tavaega i tena fakasoa e se gata.

E fakamasausau foki ne tino Isalaelu i taimi o te Kaiga Fiafia o Tapaneko io me ko te Faletapu Ave Sale i Malaga a te kilo mo te fakatuanaki ki te Fakaola o te Lalolagi. Iesu te Tama a te Atua ne tiakina ne ia te Tapaneko / te Faletapu o ia i te lagi kae vau o fanau i te falemanu tela se fale fakamalumu i tua o te fakai i te taimi foki loa tela e tuku tau-mate me ko fakamanatu i ei te Kaiga Fiafia o Fale Fakamalumu.

Mea Akoga mo fakamaina te mataupu:

Ata mo flash cards

Video

Fakatomuaga:

Fesili ki tamaliki me ko oi i latou e isi se olotou fale fakamalumu i olotou manafa i vao?

Akoakoga:

Ko akoako mai a tatou me i tusaga fakaopopo kola e fakafeagai ona ko tou olaga tapuaki ki te Atua e se fai ne ia ke fakavaivai a tatou. I te sua faitu, te Atua e manako malosi ko tatou ke loto malosi o fai taulaga o te loto malie e pela mo te mea ne fakatonu mai ne ia, kae se ko mea kola e seki fakatonu mai. A te Atua e fiafia ki tino kola e loto fiafia o fai a tona loto. Muna Paulo, "Ne maua ne au mai te Aliko te mea tenei ko avatu ne au ki a koutou;" te Kaiga Fiafia ne tuku mai ki a tatou e fakamanatu ei ne tatou te fakaolataga a te Atua e aula i a Iesu. Te tusaga faopopo ki tou olaga tapuaki e tau o tausi fakalei kae kautasi a tatou i te fakama-sauaga

Mea fai a Tamaliki:

Lomi o ata o tino i fale fakamalumu i tua o te fakai
Fesili mo tali

Fuaiupu Tauloto: Levitiko 23: 40

I te aso tena, puke mai a fuaga lakau tafasili i te lei mai i otou fatoaga, puke mai foki ne kaula o pama mo kaula o lakau fai lau, ko kamata ei se Kaiga Fiafia Faka te Lotu e fakaaloalo ei ki te Aliko te otou Atua.

Pese: Fili mai tusi pese

Talosaga:

Te Atua te motou Tamana, a matou ko aumai mo omotou loto malalo ki ou mua o mo te fakafetai e se lava a matou mo tou alofa fakaola tela ne aumai ne koe a matou mai te olaga e seai se fakamoemoe i ei ki te olaga fou i a Iesu mo te fakamoemoe ola. Ke takitaki a matou ne tou Agaga Tapu ko te mea ke fai tou loto i omotou olaga, amene.

te tagata. Te Lesona a tatou ko fakamalosi mai kia tatou me e isi se mana o te Muna a te Atua io me ko te Tala Lei o 'fuli ei a loto mo agaga ma'keke o tino. Tela la, e taua tamaliki ke fakamalosi tatou o folafola a te muna a te Atua ki nisi tamaliki kola seki iloa ne latou a te Atua. Kafai e tumau tatou o takutaku ne tatou a te Atua i tou olaga, ka fakamanuiagina tatou ne te Atua i tou olaga.

Mea Fai a Tamaliki:

Usu Pese

Fuaiupu Tauloto: 1 Petelu 1.25

Pese: Fili mai tusi pese

Talosaga:

Te Atua tela ne faite ne koe a meatau faka-te agaga kola e aoga kae taua kia matou a tino e ola i te lalolagi tenei. Fakafetai matou mo tau muna ko ia ko te pelu e 'kai matalua tela ne 'fuli ne ia a omotou loto mo omotou agaga kia koe te Atua. Ko talo atu matou ke tuku mai ne koe te malosi ko te mea ke mafai ne matou o faka lauefa atu a tau muna ki omotou taina. I te igoa o Iesu Keliso te motou fakaola ko faka- auala atu ei te motou tinoga, amene.

VAEGA 6: FUAIUPU AULO. (FUAIUPU FAKAMAU)

Ulutala 27: Ke Fakatau a'lofa koutou

Pogai: Ke fesoasoani ki tamaliki ke mafai ne latou o atiake a te olaga faka'tau a'lofa ia latou me ko te loto e iloa o te Aliko

Tusi Faitau: Ioane 13.34

Fakatokaga mo Faiakoga:

A te Poloakiga fou ko te Tulafono Fou a te Aliko. Ne mafuta fakatasi a Iesu mo ona soko i te fale o Simona te lepela kae faipati a Iesu kia ona soko. A te fuaitau katoa ko te Poloakiga Fou a Iesu ki ona soko (Ioane 13.31-34). I te fuaiupu 33; ko faipati a Iesu ki ona soko kae ko fakaigoa ne Iesu latou ko ana tamaliki. A te igoa tenei ko fakaaoga ne Iesu ki ona soko e masani o fakauiga ne ia ki tino Iutaia kola e fo'liki te olotou

se fakamoemoega o te manumalo

A te Pelu ko te meatau e fakaaoga ne te sotia o taua atu ki te fili. A te Pelu e masani o faite mai vaega a fiti makeke ke moa e fati gofie. E manakogina a te Pelu ke 'kai i taimi o te taua.

I te fuaiupu filifilia (f.17e) A Paulo ko faipati euiga ki te Pelu ko te muna a te Atua. A te Pelu ko maua ne tino mai te Agaga Tapu. A te Pelu ko te muna a te Atua e fakasoa mai ne te Agaga Tapu kia tatou i aso takitasi. Te Tusi Tapu ko te muna a te Atua tela e fakamaina mai ne te Agaga Tapu kia tatou. E akoako mai kia tatou ke iloa ne tatou o fakaaoga o teke atu ki auala masei a te fili. Ne toe akoako ne Paulo a te mea nei i tena tusi ki te kau Epelu. Muna a Paulo: "A te muna a te Atua e ola kae galue mo te mana. E sili atu foki tona 'kai i se pelu e 'kai matalua. E suki ne ia te loto mo te agaga ke mavaelua ke oko foki ki sokoga o ivi mo kano" (Epelu 4.12).

Ko leva ne maua ne te fenua filifilia o te Atua ko Isalaelu te muna ate Atua e auala i ana tavini Pelofeta (Ielemia 10.1-2).

Ne kamata o maua ne tino ate Muna ate Atua kae taki ei a olotou olaga i akoakoga a te Aliko (Maleko 2.2)

A te Tala Lei o Iesu Keliso ko te Muna ate Atua tela ne loto toa ei a Petelu mo Ioane o 'tu i mua o te Fono maluga. I te taimi ne tuku mai ei laua ki tua ne talo fakatasi latou mo nisi taina kelisiano mo taugasoa. I otiga ne talo, fakafonugina ei net e mana o te Agaga Tapu, kamata ei o faipati atu ne latou a te muna ate Atua mo te loto toa (Gal.4.31).

A te malosī o te muna a te Aliko e tumau ki te segata mai. A te muna tenei ko te Tala 'Lei tela ko oti ne folafola kia koutou (1 Petelu 1.25)

Mea mo Fakamaina te Mataupu:

Ata o sotia mo tena Pelu

Tala o tagata kalate kae poto foki i te taua mo te Pelu.

Fakatomuaga:

E isi se tamaliki e mafai o taku mai a te Igoa o te tagata kalate kae poto foki i te taua mo te pelu? Ko lei tamaliki, ate mataupu a tatou i te taimi nei e fakatomua penei: 'Te Pelu' A te pelu se tasi o meatau e masani o fakaaoga ne te sotia i taimi o te taua. A tino tau o Isalaelu e masani o fakaaoga a te Pelu o taua atu ki nisi kautau.

Akoakoga

Mai te tala a tatou tamaliki ko fakamasaua mai kia tatou me i te Muna a te Atua e silia atu tena malosī ki te Pelu e faite ki te poto mo te malosī o

ULUTALA 17: Te 'Kaiga Fiafia ko te Pulima

Pogai: Ke fakamatala ki tamaliki te taua ki tino Isalaelu te Kaiga Fiafia tenei.

Tusi Faitau: Eseta 9: 1-32

Fakatokaga mo Faiakoga:

Te uiga o te muna *pulima* ko te "manumalo i te faiga o te vili (i aso nei e pela mo te puke tiketiki"manuia) tela ko te auala ka fili ei a te aso mo fakataunu a tena palani ke tamate katoa a tino Iutaia i te Malo o Pelesia. Te avaga fafine a te Tupu ko Asuelu se fafine Iutaia ko Eseta mo tena faka-tuagane ko Moletakai ne faka-se ne laua te palani masei a te Minister ko Hamanu ke tamate a tino Iutaia i te aso tela ka maua i te puke tiketiki (pulima). I te faifaiga tenei ne fai ne Eseta, ne sao ei a tino o tena fenua. Ne seki mafai ne te Tupu ko Asuelu o fakafoki te ikuga tela ko oti ne fai muamua ne ia e pela mo te palani a Hamanu, kae ne fai tena fakatonuga fou ko tino Iutaia ke taua ki tino kola taua atu ke sao a latou.

I te Aso Fakamanatu tenei, e masani o faitau te tala o Eseta i Sunako, ako tino e tufatufa atu a meakai mo nisi maumea o fesoasoani ki tino mativa. Meaalofa meakai e fai ki tino mo kaiga lasi mo fakafiafiaga e pela mo te usu pese kae saka.

Mea Akoga mo fakamaina te mataupu:

Video

Flash card

Fakatomuaga:

Fesili ki tamaliki me kaia a tino Iutaia ne nofo i Pelesia i taimi o Eseta?

Akoakoga:

Te aso fakamantu tenei e fakamasaua i te sefulima o aso o te sefulu-lua masina (Mati) ne tino Iuaia katoa mo tupulaga katoa mai mua, e fakamasaua i ei a galuega alofa a te Atua mo latou, mo olotou tamaliki mo tamaliki a olotou tamaliki kae ka fai mo auala e ola fakamoemoe ei a latou ki te Atua (Sala.78:6-7). Ka lavea foki i ei te takutakua o te Atua tela ko te Tausi o Isalaelu. A te faiga foki tenei e fai mo kamiga ki tino o fenua fakatea ke fuli mo fai mo tino Isalaelu kae fakamalosi ki tino o te Atua ke ola fakamoemoe ki tena fakaolataga; mai i te manatu tena, ko taua i ei ke fakamanatu te Kaiga Fiafia tenei.

Sa puli a te mea tenei, a tino o te Atua mo tena Ekalesia e se katoatoa te filemu o latou ne fai ne te fili loto masei e pela mo Hamanu. Te manakoga o te fili loto masei, ko tino o te Atua ke oko ki se tulaga masei. A Eseta ne seki manatu mafa ki tona ola kae ne fano ki mua o tupu i taimi se o ave a tena fakatagi ke fakasao a ona tino.

Mea fai a Tamaliki:

Lomi te ata o Eseta i tena fanoga ki te tupu kae seki kami ne te tupu. Faka koneseti te tala tenei

Fuaiupu Tauloto: Eseta 4: 16

“Fano o fakamaopopo a tino Iutaia katoa i Susa; fai se fakalikilikiga mo tapuakiga kae talo mo oku. Sa kai io me inu i aso mo po e tolu. Au mo aku tavini fafine ka fai foki ne matou te mea tena. Ka oti, ko fano ei au ki te tupu e ui e iloa e se tonu mo te tulafono. Kafai e tau au o mate i te faiga o te mea tena, e lei faeloa.”

Pese: Fili mai tusi pese

Talosaga:

Fakafetai te motou Tamana mo tusaga o te loto lasi mo te loto fenua kola ne fai ne Eseta me ko fai mo akoakoga mo matou i aso nei. Te Tamana, fesoasoani mai ke fakaaoga ne matou a tofiga ko kalagagina a matou ki ei, ko te mea ke fesoasoani a matou ki tino ke ola lei kae fiafia, amene.

ULUTALA 18: Te Fitu o Tausaga (Te Sapati o Tausaga)

Pogai: Ko tamaliki ke maina me ko te loto o te Atua ko te olaga ke fakatoka fakalei mo te lei o tino katoa.

Tusi Faitau: Levitiko 25:1-7

Fakatokaga mo Faiakoga:

E ono aso e galue i ei a tino Isalaelu ako te fitu o aso tela ko te Sapati e malolo i ei mai i galuega kae tapuaki ki te Atua te Tufuga; e pena foki i te fitu o tausaga, tela ko te Sapati o te laukele. Ka malolo a te laukele mai i te toki ne tino ki fatoaga, kae ka se ai foki ne fuataga e tau ne tino i o latou fatoaga mo toga vine mo saito, kae ka tau fua ne tino mativa, tino fakaalofa kae kai foki ne otou manu fagai mo manu o te vao (Eso.23:10-11). I tafa o tapuakiga o te aso fiafia tenei, e tau mo tino o

Kooi te tamaliki e iloa ne ia me sea a te aoga o te puloutau? A te aogaa o te puloutau e puipui ki ei a te ulu o te sotia ke moa e pakia i taimi o te taua. A te lesona ka fakalogologo tatou ki ei i te Asotapu tenei e fakatomua penei' ko te puloutau'

Akoakoga

A te fekau ko maua ne tatou mai te lesona tamaliki ko te fakaolataga ko fakatusa ki te pulotau o te kelisiano. A te fakaolataga a te Atua mo tino talitonu tela ne faka katoatoa ne Iesu Keliso i tena mate mo tena toetu manumalo mai te malosi o te mate mo te tugamau. A te malosi mo te mana o te fakaolataga e tumau i a latou kola e tumau o talitonu kae fakatuanaki kia ia. Tela la, tamaliki se akoakoga mo tatou ke fakapei ki tou foitino a te fakamoemoega mo te fakaolataga ko maua ne tatou, ko te mea ke toka tatou i taimi katoa. Ke maua ne tatou a te malosi o agai atu te fili mo ona fakaosoosoga.

Mea Fai a Tamaliki: Fai fakatasi a te mea tauloto i te lesona taluai.

Fuaiupu Tauloto: Ielemia 46.4

Pese: Fili mai tusi pese

Talosaga:

Te Atua te motou Atua e tokotasi. E lifu a omotou loto mo omotou agaga i te aso tenei, aua te ola mo te malosi e tumau i luga ia matou au fanau. Ko fakafetai atu matou mo tou fakaolataga tela ko maua katoatoa ei ne matou a tou mana o teke atu a malei o te fili. I te igoa o Iesu Keliso e kalaga atu ei matou nei. Amene.

Ulutala 26: Pelu

Pogai: Ke fesoasoani ki tamaliki ke iloa ne latou me i te muna ate Atua e iai te mana o fuli ne ia loto fuifai o te tagata.

Tusi Faitau: Efeso 6.17e

Fakatokaga Mo Faiakoga

A te fakaaogaga o te meatau ne te tagata tau i taimi o te taua e manakogina. A te apo mo te atamai o te sotia o fakaaoga a meatau e aumai

Talosaga:

Te Atua tela e pule koe i mea katoa i te lagi mo te lalolagi, kae pule foki koe i luga ia matou. Ko fakafetai atu matou te Atua mo te taimi tenei ko mafai o mafaufau 'loto atu ki tou malu mo tou tapu, kae maise ko tou mana mo tou malosia ne mafai o fakatakavale ei ne Iesu a Satani. Ko talo atu matou ke alofa mai koe, fesoasani kia matou ke mafai ne matou o 'teke atu ki te fili i aso katoa. Ko tou Agaga Tapu ke fakamalosi main e ia matou ke moa e olo keatea mai ia koe ko te fesoasoani mo te malosiga o matou i aso katoa, amene.

Ulutala 25: Puloutau

Pogai: Ke fesoasoani ki tamaliki ke talia ne latou a te fakaolataga a te Atua mo fai ate puloutau i olotou olaga.

Tusi Faitau: Efeso 6.17a.

Fakatokaga mo Faiakoga:

A te puloutau o te sotia e pei i luga o tena ulu. A te puloutau e masani o faite mai i palasi mo fiti kae e aoga o puipui ki ei a te sotia i taimi o te taua.

I te fuaiupu filifilia (f.17a) Ko te fekau a Paulo ki tino talitonu i Efeso ke talia ne latou a te fakaolataga kefa'i mo olotou Puloutau. A te Apositolo ko Paulo ko faka taua ne ia a te fakaolataga a te Atua tela ne seki fakakatoatoa ne te tino kae i te mana e iloa o te Atua e tokotasi. A te fakaolataga ko te meaalofa a te Atua ki so se tino e talitonu kae fakatua-naki. A Paulo ne fakauiga ne ia a te fakaolataga ko te talita, me i te tino ko maua ne ia a te fakaolataga ko maua foki ne ia a te malosia o agai atu a te fili.

I te tusi a Paulo ki te Ekalesia i Tesalonia ko toe fakamalosi ne ia a tino talitonu i ei, ko tino ko ola i loto i te mainaga o te Tala Lei. Tino talitonu ke se moe kae ke mataala kae ke toka latou. Ke fakapei ki olotou foitino a te fakamoemoega mo te fakaolataga ke fai mo puloutau ka mafai ei ne latou o 'teke atu ki mea o te pouliga(1.Tesa.5.8e)

A te Pelofeta ko Isaia ko faipati ki te pulou o te manumalo a te Aliko tela ka vau o fakaola a Isalaelu mai te fili (Isaia 59.17e).

Mea mo Fakamaina te Mataupu: Ata o te sotia mo tena Puloutau

Fakatomuaga

fakamagalo a kaitalafu tupe a tino o tena fenua tonu (Teu.15:1-3); e tau foki o faitau te Tulafono a te Aliko ko te mea ke iloa ne tino katoa (Teu.31:10-14).

Mea Akoga mo fakamaina te mataupu:

Ata mo flash cards

Fakatomuaga:

Fesili ki tamaliki me iloa ne latou a tino kola e isi ne olotou manafa e lisi ne te malo io me ko tino takitokotasi?

Akoakoga:

E akoako mai ne te Kaiga Fiafia tenei me i te Atua e iloa lei ne ia a fakatokaga kola e lei ei ana mea katoa ne faite; i te sua feitu, e tauloto ne tatou i a tatou e lisi io me tausi fua ne tatou a manafa mo mea katoa kola i ei me ia te Atua tokotasi loa.

Mea fai a Tamaliki:

Lomi te ata o tamaliki e faitau te Tusi Tapu.

Fesili mo tali (fesili fakatoka ne te faiakoga)

Fuaiupu Tauloto: Salamo.24:1 "A te lalolagi mo mea katoa i ei, ea te Aliko..."

Pese: Fili mai tusi pese

Talosaga:

Te Tamana faka te Lagi, ko fakafetai a matou me ko leva loa ne fakaasi mai ne koe te taua o te fakatokaga fakalei o omotou olaga e pela mo akoakoga e uiga mo te fakatokaga faklei o te laukele mo mea katoa ne tukumai ne tuku mai ne koe mo manuia a matou. Fakamanuia mai a tau-mafaiga a matou i te aso nei, amene.

ULUTALA 19: Ko te 'Kaiga Fiafia o te Fakamāga o agasala

Pogai: Ko tamaliki ke maina i te galueg fakama tela e fai ne Faitaulaga Pule mo te taulaga fakaola tela ne fai ne Iesu te tou Faitaulaga Pule i aso nei.

Tusi Faitau: Levitiko 16:1-34

Fakatokaga mo Faiakoga

Te Aso o te Fakamaga se Kaiga Fiafia tela e fakamanatu ne Isalaelu 10 aso mai tua o Kaiga Fiafia o te Tausaga Fou i te kalena Epelu tela e nofo ki te va o toe vaiaso o Setema mo te vaiaso muamua o Oketpa i tou kalena. E fakatasi taimi i tausaga e fakama ei a te Faitaulaga Pule mo tena kaiga, te Faletapu mo tino o te fenua katoa.

Te muna fakama ne aumai i te muna Epelu (*Yom Kippur*) tela a tena uiga i te Feagaiga Mua *ko te faifaiga mo fakagata te fakasalaga tela ne pogai mai i te teke io me ko ofaga o te loto io me ko fakanofoga a te Atua*. Ko tena uiga, ki tino Isalaelu i aso kona; i te *faka'maaga* ko te faifaiga loa tena e mafai o fai ne tino Isalaelu mo fakagata te fakasalaga, kae ka maua i ei te fakaleiga.

Te Pusa o te Feagaiga ko te pokisi tela ne faite ki te lagau ko te akasia kae ufi ki aula. I te va o kerupi aulo i luga o te pono ko te Nofoga Alike io me ko te Nofoga o te Alofa Fakamagalo o te Atua (Esoto 25:10-22).

Te Faitaulaga Pule ka pei ki gatu faka-faitaulaga ma oti ne kookou fakalei. Me i te avega o taulaga toto mo mea fakamanogi ki mua o te Atua se faifaiga e fai mo te ava, te fakaaloalo, te matakū. A mea katoa e fai katoa ki tulafono mo fakatonuga kola ne fai mai ne te Atua ki a Isalaelu e auala i a Mose.

Mea Akoga mo fakamaina te mataupu:

Ata

Te faiakoga ke pei ki gatu loa kae faka-koniseti ne ia te galuega a te Faitaulaga Pule i te aso o te Fakamaaga.

Fakatomuaga:

Fesili ki tamaliki me sea te faiga e mafai o fai ne latou ke fakama a latou mai i olotou agasala?

Akoakoga:

E tena te ata o te galuega tela e fakama i ei a tino i mua o te Atua i te Feagaiga Mua. Kae nei, ko oti ne aumai ne te Feagaiga Fou te ata fou tela ne fai ne Iesu mo fakama a tatou. I te Epelu 10:19-22 e fakamatala ne Paulo ki muna o aso nei te taulagatela ne fai ne Iesu mo fakaola a tino katoa kola e talia ne atou a ia.

Mea fai a Tamaliki:

Lomi te ata o te Faitaulaga mo ana gatu faka-faitaulaga i mua o te Pusa

A te gata ko te toe manu faitogafiti eiloa i manu katoa ne faite ne te Atua. Ne fakaosooso ne ia a te tagata muamua i loto i te faatoaga o Etena. Ne paku a te tagata muamua ki te fakaosoosoga a te gata tela ko te tiapolo. Ne ala ei o 'mao te tagata mai te Atua (Ken.3.1)

A te fai salamo, ne talo ki te Atua mo se fesoasoani i te taimi ko puapua-gatia ei tena olaga ona ko taumafai a ona fili. Muna a Tavita "A olotou muna masei e fakasaga mai kia au pela me ne matasana e sana mai." (Salamo 64.3)

A Iesu ne manumalo a ia mai te tiapolo i te vao tela e tusa mo te 40 aso ne fakaosoosogina ei Ia. A te tala o te fakaosoosoga ne te tiapolo a Iesu fai mai me ne fakaosoosogina a Ia mai tua malie o te papatisoga i te vai-tafe o te Iolitana. A Iesu ne likiliki kae ne takitaki ne te Agaga Tapu ki te vao ke tofotofa a ia. (Luka 4.1-13).

Mea mo Fakamaina te Mataupu: Ata o matasana

Fakatomuaga:

Tamaliki, sea a te meatau e fakaigoa ki te matasana? Ko oi te tamaliki ko oti ne fakaaoga ne ia a te sana ika? A te matasana e tai pau mo te sana ika, kae tai 'fula malie i te sana ika. A te mataupu a tatou i te Asotapu tenei e fakatomua penei 'ko te matasana'

Akoakoga

A te lesona a tatou i te aso nei, ko toe fakamasaua mai kia tatou me i te fili e pili mai fua i so se taimi mo te itula. Ko fakamasaua mai kia tatou tamaliki me e seai se malosi o te tagata o 'teke atu ki a satani mo ana taumafaiga. E manakogina ko taua ke ola fakatuaga tatou ki te Alike manumalo tela ne manumalo mai fakaosoosoga a te fili. E fakavae i luga i te Alike a te manumalo o taua. Seai ko tou malosi mo tou mafai kae ko te Alike eiloa e tokotasi ka saga mai o fesoasoani e pela mo te Atua ne fesoasoani ki tena Tama pele ko Iesu Keliso. E 'tau ke ola tatou i se olaga 'talo me e tena a te mea e 'tau o fai ne taua ke fesoasoani mai te Atua.

Mea Fai a Tamaliki: Fakatu te koneseti i te fakaosoosoga a Iesu.

Fuaiupu Tauloto: Salamo 64.3

Pese: Read your Bible and pray ever day

malosi I tou olaga faka te agaga ke fakamalosi ne ia tatou ke ma'losi ta-tou ke mafai ne tatou o manumalo mai fakaosoosoga a te fili tela ko sa-tani.

Mea fai a Tamaliki: Usu Pese

Fuaiupu Tauloto: Salamo 18.2

Pese: Trust Him and Obey

Talosaga

Ko fakafetai atu matou kia koe te Atua me ko maua ne matou a akoa-koga taua mo te fakamalosi o te motou olaga fakatuanaki kia koe. E talitonu matou me ko koe fua te Aliko ka maua ei ne matou a te malosi ka se mafai ei o to ilalo matou i taumafaiga a te tino masei. Ko fakamaulalo atu matou ke fakamagalo mai matou i te toto tapu o Iesu Keliso te ma-tou Aliko mo te motou fakaola e tokotasi. Amene.

Ulutala 24: Matasana

Pogai: Ke fakaasi ki tamaliki me i akoakoga faka kelisiano e taua kae aoga me e iloa ei ne tatou a auala ka mafai ei ne tatou o manumalo i taimi katoa.

Tusi Faitau: Efeso 6.16e

Fakatokaga mo Faiakoga:

A te matasana ko te toe meatau fakamataku kae pakini i meatau katoa i aso taumua. Te matasana se meatau tela e faka'lele mao ki te koga e nofo i ei a te fili.

I te fuaiupu filifilia (f.16e) e fakamatala mai i ei a te matasana 'ka ko te meatau a te tino masei. A te tino masei ko te tiapolo (f.11). A matasana 'ka o te tiapolo e uke a fakatusaga i ana fakaosoosoga mo taumafaiga masei o malei ne ia a tino talitonu ke 'to atu ki te malaia. A nisi Igoa o te tiapolo ko Satani (Mlk.1.13) mo lusifelo (). A matasana 'ka o te fili ko fakatusa ki muna takolekole; mo muna faka-atua kola e se ne muna-tonu kae ne muna 'loi katoa. I te fakasokoga o te akoakoga a Paulo euiga mo te toka o te Kelisiano i taimi katoa, me e se iloa te taimi mo te itula e vau ei a te fili. A Paulo ko fakamalosi ne ia a tino talitonu ke moa e takavale kae 'to i lalo i fakaosoosoga a te fili.

o te Feagaiga
Lomi te ata o te sataul

Fuaiupu Tauloto: Epelu 10: 19

Taina, ko maua ne tatou te saolotoga katoatoa o o ulu atu ki loto i te Potu Tafasili i te Tapu e alatu i te mate o Iesu.

Pese: Fili mai tusi pese

Talosaga:

Fakafetai Iesu mo tou alofa mo tou lotomalie ke mate koe i te sautaulo i Kalivalia mo fakalei a matou i mua o te Tamana tapu; akoako mai matou ke maua ne matou te lotomalie o ola fakalogo ki a koe, amene.

VAEGA 5: KO MEATAU A TE ATUA

Ulutala 20: Kafanoa

Pogai: Ke fakamalosi ki tamaliki ke fiafia o fakaaoga ne latou a meatau kola ne akoako ki te Ekalesia, pela mo te kafanoa tela e fakauiga ki te munatonu.

Tusi Faitau: Efeso 6.14a

Fakatokaga mo Faiakoga

A te olaga o te kelisiano se olaga tela e 'tau o toka o 'teke atu ki te fili mo ona fakaosoosoga.

A te tusi faitau katoa e faipati ki meatau katoa a te Atua kola ne fakatusaga ki akoakoga o te kelisiano (Efeso 6.10-20)

A Paulo ne akoako ne ia a tino talitonu i Efeso ki meatau kola ka mafai ei ne latou o puipui mai te malosi o te fili. A te fili ko te tiapolo io me ko satani.

E uke a vaega meatau ne akoako ki tino o te Atua. I te (fuaiupu14a); ko faka-taua i konei a te Kafanoa. A te *kafanoa* ko te *fusi* e masani o fakaaoga o 'sai ki ei a te sulu ke mau.

Te Munatonu ko fakatusa ki te kafanoa e li fakatamilo i te taugasulu. A te uiga o te munatonu ko te mea tonu tela ko maua ne te tino i tena olaga fakatuanaki, kae e mankogina foki ke fakaasi i tena olaga. A te sua uiga o te munatonu ko muna e faipatigina kola e se ne muna 'loi kae ne pati

katoa e tonu.

A Sakalia ne 'valo ne ia ki tino Isalaelu ke faipati ne latou a te mea tonu ki nisi tino (Sakalia 8.16a)

A te fakafeagai o Iesu mo Toma tela e fakaigoa ki te masaga ne faipati atu a Iesu kia Toma: "Ko au te auala, te munatonu mo te ola, e seai se tino e fanatu ki te Tamana manafai e alatu mai ia au"(Ioane14.6)

A te Aliko ne faipati ki te munatonu ka maua ne tino talitonu e auala i te fesoasoani o te Agaga Tapu: "Kae kafari e oko mai te Agaga o te munatonu, ka takitaki ne ia koutou ki te munatonu (Ioane 16.13).

A Paulo ki tena tama faka te agaga ko Timote, ko fakamasaua ne Ia Timoteo ke fesoasoani ki tino vaivai ke maua ne latou a te mea tonu a te Atua, ko te mea ke 'sao latou mai te malei o te tiapolo (2 Tim.2.25)

Ko te munatonu o Tala Lei o Keliso tela ne manumalo ei a Paulo kae ne seki mafai o taofi a tena fakamatamata foki i fenua o Eleni (2 Kol.11.10)

Mea mo Fakamaina te Mataupu: Ata o te tagata mo tena fusi

Fakatomuaga

E isi se tamaliki ko oti ne onono ki te ata o te taua? Te lesona a tatou tamaliki i te Asotapu tenei e fakatomua penei, ko te kafanoa. A te kafanoa ko te fusi e fakaaoga e fakaoga mo 'sai ki ei a te taugasulu ke mau.

Akoakoga:

Mai te lesona a tatou tamaliki ko fakamalosi mai kia tatou me i te olaga o te kelisiano se olaga e fakatoka mo te taua. A te taua o te kelisiano e se ko te taua ki tino kae ko te taua mo te malosi o te tiapolo. I aso nei tamaliki e uke a fakasoosoga e mafai o fepaki mo tatou i tou olaga tupuake. A Paulo e akoako ne ia kae fakamalosi ne ia kelisiano ke pei ki meatau a te Atua. A te munatonu ko fakatusa ki te kafanoa ka 'sai ki ei a tou taugasulu ke moa e 'matala. E lua auiga taua o te munatonu ko fakamasaua mai kia tatou tamaliki. Muamua ko te mea tonu (truth) so se mea e faipati ne te tino kae tonu katoatoa a te faipatiga tena se mea tonu. Lua: ko fakauiga ki te munatonu a te Atua, ko Iesu Keliso ko Ia ko te fakatinoga o te Munatonu a te Atua tela ka maua i ei a te manumalo mai fakasoosoga a te fili

Mea Fai a Tamaliki: Usu Pese

Fuaiupu Tauloto: Ioane 16.13

a te manumalo kia Isalaelu (Teu.33.29)

I te fuaiupu filifilia (fuaiupu 16), a te fakatuanaki kafai mo talita tela ka tamate ki ei a matasana 'ka a te tino masei. A te tino masei ko te tiapolo (fuaiupu 11)

A te fakatuanaki ko te talitonu ki mea se lavea ki mata. A te fakatuanaki ko te talita i te taua faka- te-agaga e puipui ei te foitino katoa. Te fakatuanaki o te Kelisiano ki te Atua se mea ko mautinoa ia Iesu Keliso. E isi te malosi o te fakatuanaki mo te talitonu ki te Atua, me ko kau fakatasi a te Atua ki te tagata. A Paulo i tena tusi ki tino talitonu i Efeso ko fakamasaua ne ia kia latou, me e ,tau o ave sale a te fakatuanaki i taimi katoa ke fai mo talita, ka mafai ei o tamate ki matasana 'ka a te tino masei.

A te tino se lava a tena fakatuanaki e se toka kae sapolepole i taimi katoa. E pela mo muna a Iesu ki ona soko."A ia e ma'taku ei koutou? Ea seki fakatuanaki eiloa koutou?(Maleko 4.40).

A te Aliko ne faipati fakamalosi atu ki ona soko: "kafari e fakatuanaki koutou e aunoa mo se fakalotoloto lua e mafai ne koutou o fai a te mea ko oti ne fai ne au kite mati...(Mat.21.21).

Te Kupu o Pese o te Manumalo a Tavita tela ne talitonu katoatoa ki te Atua "A te Aliko ko toku 'pui. A ia foki ko toku olo malosi. A toku Atua ko toku 'pui e sao ei au. E puipui ne ia au e pela me se talita.E fakamalu ne Ia au kae tausi mai foki ke sao au". (Salamo 18.2)

Mea mo fakamaina te Mataupu: Ata o te talita

Fakatomuaga

Ko oi te tamaliki e iloa ne ia me sea a te talita? A te talita ko te meatau tela e ave sale ne te sotia o puipui ei tona ola mai meatau a te fili. A te lesona ka fakalogologo tatou ki ei i te Asotapu ko te talita. A te talita ki te fakatuanaki o te tagata ki te Atua.

Akoakoga

Mai te lesona a tatou tamaliki, ko maua ne tatou ate malamalama tonu euiga mo te talita faka te agaga. I te akoakoga a Paulo ko fakatusa ne ia ate Fakatuanaki ki te Talita malosi e 'tau o ave sale ne te Kelisiano i tena olaga. I so se koga e fano a ia ki ei, e tau o malosi a tena fakatuanaki ki te Atua. Paulo ne fakamalosi ne ia a tino talitonu ke moa e puli a te fakatuanaki i tou olaga. Ke moa e se fakatuanaki a te kelisiano manafai e tofotofogina ne te fili. Ke tumau o fakatuanaki ki te Atua mo Iesu Keliso ko te mea ke mafai o tamate ki matasana 'ka o te fili. Tela la, e tamaliki ke 'talo tatou mo te fakatuanaki ki te Atua tela ko ia ko te pogai o tou

Asotapu tenei e fakatomua penei “ Ko Taka”.

Akoakoga

Mai te lesona a tatou tamaliki e uke a akoakoga taua ne maua ne tatou mai ei. A te galuega folafola o te tala lei se tasi o tiute o te kelisiano tela e tau o fai ne ia i tena olaga. A Paulo ko fakatusa ne ia a te folafolaga o te Tala Lei ki taka mo tou vae. Ko te auala ka mafai ei ne te Kelisiano o taua atu ki te malosi o satani tela e taumafai o fakaloiloi ne ia a tino ke kau atu ki tena malo. Tela la, tatou tamaliki e tau ke maua ne tatou te malosi mo te mafai ke takutaku atu a te Tala Lei o te Filemu ki tino katoa ko te mea ke maua ne latou a te fekau o te tala lei. Ko te mea foki ke maua ne tatou a te manumalo manafai e alai atu ne tatou a tino ki te Malo o te Atua.

Mea Fai a Tamaliki: Usu pese:

Fuaiupu Tauloto: Isaia 57.7

Pese: ‘Just a closer – walk with thee’

Talosaga

Te Atua te motou tamana tela i te lagi, ko fakafetai atu matou au fanau i te aso nei mo tau Tala Lei tela ko maua ne matou. Ko tau Tala Lei ne folafola mai ne au tavini kia matou. Matou e talo atu ke tuku mai ne koe te malosi mo te mafai ke mafai ne matou o takutaku atu tau Tala Lei ki omotou taugasoa mo kaiga. Talo atu matou i te Igoa o Iesu keliso te motou Aliko mo te motou fakaola e tokotasi. Amene.

Ulutala 23. Talita

Pogai: Ke akoako ki tamaliki ke iloa ne latou me i te fakatuanaki ki te Atua ko te talita malosi ka mafai ei ne latou o teke atu ki te tiapolo.

Tusi Faitau: Efeso 6.16a

Fakatokaga mo Faiakoga

A te talita se meata e puipui ei a te sotia i taimi o te taua. A te talita se pei ki ei a te sotia kae e ave sale ke puipui ei a tena foitino katoa mai te fili.

A te Aliko ko te talita malosi o Isalaelu ne puipui kae tausi kae tuku ne Ia

Pese: Onward Christian soldiers

Talosaga

Te Atua tela e fonu i te alofa tauanoa mo te munatonu. Ko fakafetai atu matou i te kaiga la tenei ona ko tou alofa e tumau i luga ia matou au fanau. Ko talo atu matou kia koe te motou Aliko ke tuku mai kia matou a tou Agaga Tapu ke fakafonu ne Ia matou ki tau munatonu ko te mea ke maua ne matou te manumalo mai taumafaiga a te fili i te Igoa o Iesu Keliso e talo atu ei matou nei. Amene.

Ulutala 21: Ufifatafata

Pogai; Ke fesoasoani ki tamaliki ke maina ia latou me i te amiotonu o te Atua ko te ufifatafata ka fakalafi ei a te kelisiano mai te malosi o satani

Tusi Faitau: Efeso 6,14e

Fakatokaga mo Faiakoga

A te Ufifatafata ko te gatu tau e faite mai mea ma’keke pela mo pakili o manu mo fiti, kae e masani o fakaoga ne te sotia o puipui ei a tena fatafata i taimi o te taua. A te Sotia Loma e masani o pei ki te ufifatafata o puipui a tona fatu mai meatau a te fili.

A te kelisiano ko fakatusa a tena olaga ki te sotia tau mo te malosi o te tiapolo. Segata fua i ei i tena agai atu ki te tiapolo pena foki i tena olaga kausaki. I te fuaiupu filifilia e fakaasi mai ei a te taua o te ufifatafata. Ko fakatusa ne Paulo a te amiotonu ki te ufifatafata tela e tau o pei ki ei a te kelisiano. A te uiga o te amiotonu ko te fai meatonu i mua o tino mo te Atua. A te tagata amiotonu se tino e ma i mua o tino mo te Atua.

A te amiotonu o te tagata e fiafia ki ei te Atua, kae e toka te Atua o tuku ki ei a tena manumalo. Ne fakaasi ne Paulo me ia Keliso ne ola i se olaga amiotonu. E seai tena agasala, ka ko tena vau ki te lalolagi e aumai ne ia se avanoaga mo tino talitonu ke kaufakatasi mo Ia i tena amiotonu (2 Kol.5.21).

A te olaga o te kelisiano se olaga e kausaki ke moa e takavale a Ia i fakosoosoga a te fili. A latou e ola i se olaga talitonu kae fai mea tonu ka takuamiotonugina i mua o te Atua. Ka ko latou e takuamiotonugina ko maua ne latou a te fakaolataga a te Atua (Filipi 3. 8&9)

Paulo i tena tusi ki te kautaina i Tesalonia. Ko fakamalosi ne Ia a tino talitonu ke fakapei ki olotou fotino ate fakatuanaki mo te alofa ke fai mo

ufifatafata (1Tesa.5.8e)

A te Pelofeta ko Isaia e faipati euiga mo te oko mai o te Aliko o fakasao a tena fenua mai te fili: 'Ka pei a ia ki te fai meatonu e pela me se gatu tau (Isaia 59.17)

Mea mo Fakamaina te Mataupu: Ata o te sotia mo te ufifatafata

Fakatomuaga

Kai lavea ne koulua tamaliki te ata o te sotia e tu mo ana meatau mo tena ufifatafata? A te lesona a tatou i te Asotapu tenei e fakatomua penei: 'ko te Ufifatafata'. A te ufifatafata ko te gatu tau io me ko te meatau e faite mai ki pakili o manu. I aso nei a te gatu tau ko faite mai i fiti makeke. Ka fakalogologo tatou ki te lesona.

Akoakoga

A te lesona tela ko oti ne fakalogologo tatou ki ei tamaliki ko akoako mai kia tatou me i te amiotonu mo te fai meatonu e manakogina i te olaga o te kelisiano. A te amiotonu ko faka'mafa ne Paulo ko te amiotonu o te Atua. Tena a te ufifatafata e toka mo taua tamaliki ka mafai o manumalo ei taua mai fakaosoosoga a te fili. Me se mafai ne taua o teke atu a tau-mafaiga o te tino masei manafai e fakana fua taua ki tou malosi. E manakogina ke tumau o fai ne taua a te amiotonu kae ke moa e takavale tatou o fai ate agasala tela se fialia ki ei te Atua.

Mea Fai a Tamaliki: Fakatu te tala e tauga tonu mo te Lesona

Fuaiupu Tauloto: Salamo 45.4

Pese: Fili mai tusi pese

Talosaga

Te Atua te motou tamana e tokotasi, fakafetai matou mo te manumalo o Iesu Keliso mai fakaosoosoga a te fili. Fakafetai mo tau muna ko mafai ei ne matou o fakatoka manafai e oko mai a fakalavelave mo fakaosoosoga a te fili. Talo atu matou I te Igoa loa o Iesu Keliso te motou Aliko fakaola e tokotasi. Amene.

Ulutala 22: Taka

Pogai: Ke fakamalosi ki tamaliki ke maua ne latou a te agaga fia folafola ki te Tala Lei tela e fakauiga ki te taua mo te Aliko.

Tusi Faitau: Efeso 6.15

Fakatokaga mo Faiakoga:

A te taka io me ko sevae ne mea e aoga mo sasale i ei a tino i luga o koga maka'kai. E manakogina ne te sotia a taka i taimi o te taua.

I te fuaiupu filifilia, a te taka se fakatusaga ki te galuega folafola o te Tala Lei o te Filemu. I te fuaiupu 15 : ' Ka ke toka foki koutou o takutaku a tu te Tala Lei o te Filemu, ke pela mo ne taka mo otou vae.

Ko takapili a te agaga mo te uiga o te faipatiga a Paulo i tena tusi ki tino talitonu i Efeso. A tino talitonu i Efeso ko tino o fenua fakaatea kola ko ola pela mene tino Isalaelu on ko talitonu latou kit e Tala Lei. Ko faipati a te apositolo ki te tulaga o te fakaaogaga o taka mo sevae. A te kelisiano ko fakatusa a te sotia ki te tavini avefekau e fano o takutaku atu te Tala Lei o te Filemu ki koga katoa.

I te vaitaimi ne tusi ei ne Paulo a tena tusi ki tino Efeso ko te vai tausaga e iloa koi kamata o folafola a te Tala Lei ki nisi fenua fakaatea. A Efeso se tasi mai Ekalesia ko oti ne oko ki ei te Tala Lei, kae koi tuai o oko atu a te tusi a Paulo tenei. Ko akoako ne Ia a tino talitonu ko sotia kelisiano e takutaku atu ne latou te Tala Lei o te Filemu ki tino katoa.

A Paulo ne faka amutia ne ia a tino kola e folafola a te Tala Lei, kae seki na loko talia ne latou a te tala lei. I te Loma 10.15a: " Ko seai la se gali pela o vae o tino kola e folafola atu te Tala Lei". Tela la, a Paulo ko fakamalosi ne ia a tino talitonu ke talia ne latou ke olo o takutaku atu te Tala Lei o te filemu.

A te Pelofeta ko Isaia ne valo ne ia a te oko mai o te avefekau ka fakasao ne ia a Ielusalema mai lima o te fili. Fai mai "Ko oko e iloa i te gali, manafai e lavea atu te avefekau e vau mai mauga, o aumai se tala 'lei , ko te tala 'lei o te filemu. E folafola mai ne ia te manumalo kae fai ki Siona penei." A tou Atua ko te tupu" (Isaia 52.7).

Mea mo fakamaina te Mataupu: Ata o te misionale mo ana taka e pei i ona vae

Fakatomuaga

Tamaliki kai fakalogologo e iloa koulua ki se tala fakatusa? A te tala fakatusa e se ko te tala tonu o se mea ne tupu, kae se tala e fakataatagina i ei a te mataupu o fakamaina ki ei. A te Lesona a tatou i te